



啟禎野乘一集

卷九

梁溪鄒

漪流綺甫纂



林尚書傳

公諱宰號平華福建漳浦人也中萬曆辛丑進士除
無錫知縣行取禮部儀制司主事歷員外郎中尋叅
議于江西按察布政于四川復入為太僕寺少卿通
政使南京戶兵部侍郎晉工部尚書卒于家公器宇
恢宏才識通敏蒞事勤慎臨民和易其在無錫政聲
最著甫蒞任即捐俸五十金修復道南書院每月朔

望主東林文會集紳士講德問業不輟錫劇邑民苦
重役充糧長者立致破家公盡革其煩費積困以甦
故事舖行物價官府止給其半至公而槩予全值而
又革火耗以勸輸蠲罰緩以止訟省簽票以息焚捕
盜賊以靖亂毀淫祠以斥邪鋤豪猾以詰奸邑有旱
澇公布衣蔬食步禱壇壝灾荒所在雖窮鄉僻壤必
躬行踏勘吏胥不得上下其手爲令七年止飲惠泉
勺水門無暮夜金簿書旁午剖斷如流按律得情兩
造俱悅服去遇請托盡行謝絕尤留意作人與文學

修翼序時馬公世奇尚困童子科公一見目爲大器
拔冠一軍及丙午分試南闈取鄒公之麟爲解元人
稱水鑑其他興利除弊剪愚旌良尤不勝書無媿民
之父母云去之日百姓攀轅卧轍者以千計建碑立
祠至今猶歌思之後祀入名宦祠

論曰林尚書歷官顯要躋卿貳而其宦績沾沾著人
耳目者則在吾邑距今已五十年矣錫民未嘗不口
碑也有抑而不獲伸者安所得林青天哉後林公二
十載而又有郭公夔諱佳林公佃諱士諱皆以文經

武緯之才而有吏畏民懷之效二公子猶得北面事之其政績班班可攷稱當世神君焉今皆稱歸然靈光矣苟非愷悌君子能如是乎是真可謂偉人矣

前曰林尚書... 至今... 誠

... 誠

... 誠

米長史傳

公名萬鍾湖廣辰溪人也性簡默厚重于利欲淡然

最留心理學律身如處女人以非禮犯者受不報嘗

讀書大酉觀中里豪見其藍縷侮之塗人不平咸齒

擊欲逞公曰是何隘也有身不修而外侮適堪鞭策

友與角長技乎其謙退容忍如此萬曆甲午舉于鄉

四上公車不第嘗帶經治園圃樵而薪春而炊皆躬

任之初任靖州學正所教士多成名除貴州甕安令

甕故播地新遷衛邑戶口實之然首種尚強半隱姓

名偏處者恣凌暴奪人田地相仇殺日多院司訟牒
紛下勾攝蝟集株連公爲隨事費心酌量爰書所生
活至千百人或謂于侵奪用重典取其田入官可
獲金公指天誓曰甕履地皆吾子也而忍剝之自榮
耶子來省一夕徐告曰士民誠頌翁廉然亦嘆翁矯
太自苦徒廉無當也因臚指其事公怒曰吾清介非
爲名要憐此草昧民俾得漸厚生耳乃強吾墨爲爾
衣食計有如此燭矣遷守雲南彌勒州甕民聚首泣
于庭者數日爲政疏寬剔濫如治甕安時日徵糧十

入寨宿寨草舍龕內有州大夫主焉問故其人頓顙
泣且謝曰民某案囚也蒙鞠拔冤無報路謀於諸再
生者削木主便頂祝今香火比屋非獨民一人也公
謙謝命卽撤去竟以不善事當路左遷靖安王府左
長史遂拂衣歸比歸襪被蕭條益修恬澹郡人稱爲
有道先生云

論曰今天下之吏治其弊極矣士甫得一官卽脂韋
染指而士大夫居常議論亦每每計宦貴之厚薄以
爲能否嗚呼朝廷不愛高爵厚祿以寵縉紳而寧忍

其為肥身飽家計乎。官無廉恥，賄賂公行。自昔為然。非令荒甚，奈之何。不民窮且盜起，廉潔如公，左遷以去。公道不昭，可勝嘆哉。

下其去坐云

其山以... 劉無錫傳... 公名五緯... 號夢鳳... 四川萬縣人也... 中萬曆己未進士... 初授廬江知縣... 辛酉調繁無錫... 尋以病去... 再補登封... 寶豐所至有政蹟... 復告歸卒于家... 公為太溫良愷悌... 而臨事敏決... 綽有幹才... 日以興除為己任... 甫蒞任即立碑于堂... 大書誓詞... 其土曰狗情... 執法虐民... 肥已蓋載不容人... 鬼竝譴時... 塘岸傾欹... 行旅艱苦... 公捐俸修築... 自毘陵至錫山... 百里間人不病涉... 學宮祭器歲久頽廢... 公悉為製造... 頽還舊觀... 至聽訟如神... 凜持三尺

劉無錫傳

公名五緯，號夢鳳，四川萬縣人也。中萬曆己未進士，初授廬江知縣。辛酉調繁無錫，尋以病去。再補登封，寶豐所至有政蹟。復告歸，卒于家。公為太溫良愷悌，而臨事敏決，綽有幹才。日以興除為己任。甫蒞任，即立碑于堂，大書誓詞。其土曰狗情，執法虐民，肥己蓋載不容人。鬼竝譴時，塘岸傾欹，行旅艱苦。公捐俸修築，自毘陵至錫山，百里間人不病涉。學宮祭器歲久頽廢，公悉為製造，頽還舊觀。至聽訟如神，凜持三尺。

雖有豪強不爲狗彘某某踞故岳之大廈而凌厥孤
則還之某某溺新娶之偏房而縊其正妻則按之富
民某犯大辟介公門下士某餽送酒醴而甕置兼金
百鎰公曰此酒太濃吾無所用之也却不受其清絕
一塵如此錫固多天罡額棍擇人而食公廉得其渠
魁置之法群黨股栗而又興學校以育才修月城以
固圉操圖兵以詰奸設團官以搜弊禁單裙以杜漸
懲賭賄以化民善政纍纍茲申蜚語去百姓爲立去
思碑以尸祝之郡守曾公纓嘗曰設令宣尼爲錫令
有神降于蔡氏云公爲水仙神邑人建廟以祀禱輒
應遠近昇焉

亦難作三月大治事奈何獨咎劉令乎公死十餘年
論曰劉公之令吾邑也余時尚在襁褓中旣而習聞
其愛民如子多善政而于積奸衙蠹尤三尺不少貸
所謂狼豸不除則嘉禾不生去其害民者而民乃得
安也今日吾邑之衙蠹不少矣若燈籠許三活閻王
許長輩兄弟積惡怙終不悛如虎如狼飛而食人所
幸父母素明嫉惡如仇若輩猶知顧忌否則舞爪張

牙○小○民○之○受○其○塗○毒○者○不○知○其○何○如○矣○夫○國○法○或○可○
倖○逃○神○聽○應○知○非○遠○劉○公○如○在○之○威○或○亦○憫○念○此○一○
方○民○而○有○賜○之○靈○

公○名○昌○言○字○聖○俞○浙○江○嘉○興○人○也○中○萬○曆○甲○午○鄉○試○
第○一○辛○丑○成○進○士○除○常○熟○知○縣○改○婺○源○縣○外○艱○服○闋○
補○任○欒○城○陞○南○京○兵○部○職○方○司○主○事○轉○車○駕○司○員○外○
陞○郎○中○內○艱○服○闋○入○為○兵○部○車○駕○司○郎○中○出○為○福○建○
提○學○叅○議○以○山○東○布○政○司○右○叅○政○為○青○登○萊○海○防○督○
餉○監○軍○天○啟○五○年○三○月○十○四○日○卒○于○官○思○宗○御○極○
追○贈○太○僕○寺○卿○賜○祭○葬○蔭○一○子○公○為○令○計○口○食○俸○齋○
厨○蕭○然○摘○奸○發○伏○民○誦○如○神○而○省○供○億○裁○贖○錢○清○明○

譚太僕傳

公名昌言字聖俞浙江嘉興人也中萬曆甲午鄉試

第一辛丑成進士除常熟知縣改婺源縣外艱服闋

補任欒城陞南京兵部職方司主事轉車駕司員外

陞郎中內艱服闋入為兵部車駕司郎中出為福建

提學叅議以山東布政司右叅政為青登萊海防督

餉監軍天啟五年三月十四日卒于官思宗御極

追贈太僕寺卿賜祭葬蔭一子公為令計口食俸齋

厨蕭然摘奸發伏民誦如神而省供億裁贖錢清明

惠和所在治理○常熟五年編徭有不承者出片紙與
 之○曰○若果無田無貲不應役者以此紙自榜于區中
 吾不汝禁也○皆逡巡首服而去○婺源有爭山之訟○闔
 殺不解○公封山著禁○有鑿石鎔灰者○罰無赦○訟頗息
 開江灣金竺嶺○以避芙蓉五嶺之險○烝徒謳歌呼為
 譚公嶺○樂城荒禱民通盜○發公給買官牛躬督墾闢
 鑿井灌溉履畝耨穫流亡復歸盜賊衰止樂驛支入
 省○公枝柱勢要爬搔假冒中貴人沿途繹騷抵樂戒
 廉從曰○勿犯此強項令也在兵部抗論四路出師必

賤聞者咸縮頸○既而治服督閩學甲乙殿最凜如神
 明不發私書事竣以人疏南原函歸之○聞人謠曰來
 一封去兩封以為不信○視郵筒公性沉毅能剴割大
 事糾紛變故應手立斷南中驟更錢法日中罷市眾
 洶洶公勅職友邏卒持白格列炬而出縛首惡數人
 傳呼與杖○一曠而散○福藩之國詔需馬快船五百
 艘船尚艤通灣待其歸修船復待水涸冰堅必不能
 赴而來春之國無期司馬仰屋咄咄計無所出公建
 議急檄止通灣船勿動遣官就彼修船不旬月報完

大典遂竣○為監軍時○西兵闕于登○淮兵謀于萊○和門
畫○扁邑屋○洩駭○公傳箭禁○戢捕獲其戎首○衆少定○又
謂○登城斗大○聚卒四萬○月費一萬五千餘金○軍無見
根○囂呼問作○卽少定○亦隔耳○瘧耳欲保○登萊非散兵
不可○乃建議請于朝○得旨允行○民賴以安○島帥毛文
龍○自詭能搗巢制敵○多誠造人首以當級○或毒遼人
之舌○購譯者指為俘○公廉得之○繫密室○與飲食旬日
舌藥○甦能自言○被俘狀○覈實而縱之○海外俘級日修
交關○逆奄魏忠賢○張大其事○覬覦封爵○公堅持之○弗

與○勘覆島帥構內○肯得舉刺文吏○造蜚語中管餉同
知翟棟○緹騎突至械翟于公庭○公嘆曰○以我故累廉
吏而不能救○何以生為○憤懣不食○嘔血數升○頓致羸
疾○卒以不起○公為人疏通樂易○朴誠簡澹○與人語傾
倒○輸寫端居○深坐焚香讀書○其中湛如也○通籍二十
五年○先世薄田○敝廬一無所增益○朝鮮李倧弒其主
介島帥○携重賂以請于朝○故事使舟從○登上公斥而
拒之○乃迂道由天津○卒之日○床頭文籍封識宛然○箱
篋○空虛不加鎖鑰○舍斂時如道傍僧舍○士庶縱觀街

號巷哭靡不嘖嘖稱真廉吏云子貞默號掃菴戊辰
進士著書立說品重儒林次貞良號元孩以五經中
癸未進士與予交亦博雅君子也
論曰譚太僕當逆奄陽張之際而能直道忤奸挺立
不撓且料敵決算人頌如神非中有主能若是乎乃
績在邊徼德垂士庶所至有清白聲庶幾隨車之甘
雨矣嗚呼以予觀于吳風日下鄉縉紳鮮不高堂大
厦青衣填門者孰謂習俗多人賢者不能自拔也乃
薄田敝廬一無增益寧不可以風墨吏哉

孫別駕傳

公諱朝字宇天樞號賓瀾嘉善人父嵩有隱德壽登
百歲公幼穎慧稱神童年十三補諸生偕兄孝廉朝
宗鍵戶讀書試高等餼於庠於書無所不讀尤工書
法所為詩歌古文詞妙絕天下膺恩選首對大廷北
闈兩中副車竟艱一第公笑曰丈夫貴自監立耳豈
以兩榜重哉謁選得廣東通判有清慎聲署篆
清遠於常例若官價羨餘掣鹽諸類拒不納邑善訟
市井渠魁度理不能勝輒教鄉里民服斷腸草誣之

所至破家。公下車嚴仄坐之條。刃風頓革。有兄弟讐
構十年不息。公取其詞裂之。諭以一體至義。咸愧悔。
歡好如初。又豪貴子某挾勢飛文。道路以目。公廉得
其狀。置之法。值大水。流殍如陵。飢民棲樹杪。枵腹待
命。公駕小舟往來風浪中。發廩煎糜。因民所止。散之。
全活數萬。既復亢旱。步禱甘霖。頓沛。立義倉。給牛種。
平道路。葺黌宮。恤囚犯。善政備舉。人稱召父。去之日。
攀號追送者。道路爲塞。撫按薦於朝。推陞肇慶同知。
遂拂衣致仕歸里。公生平以氣節名義爲已任。少時

豈天所以待先生哉。厥子若孫。繩繩振振。公之自謂
得天者厚。洵不誣矣。

徐司馬傳

公諱從治字仲華浙江海鹽人也母黃氏夢金甲神

執于舞中庭寤而生公萬曆癸卯領鄉薦丁未舉進

士知安慶桐城縣勾稽畝稅平亭獄訟暮年而大治

歲大水乘船破浪軒頃巨浸中相度捍禦灑沉賑饑

全活無筭水退按行圩岸築堤八萬七千餘丈晝夜

雜作土實石堅水不復爲害居官強直不善事御史

外計當量移自請改武學教授轉國子助教遷南京

禮部主事至郎中出知山東濟南府舉治郡卓異賜

金錫宴升山東按察司副使分守兗東而白蓮賊之
變作公受命監軍韡刀策馬亂漲河衝黑雨夜半入
兗城賊塞路要遮弗顧也大軍將攻鄒公語大將楊
肇基曰兵法攻城爲下賊精銳聚紀城夏店踞鄒滕
之中吾擊其首尾中必兩救不如擣其中堅中堅破
則兩城皆瑕矣分一師作攻鄒大將從間道疾趨攻
嶧賊懼擾焚其營寨奔滕我軍圍鄒未下公曰師老
矣頓兵城下無益不如分兵勦滕斷其右臂使不得
相救賊可立破也乃率三將簡驍勇直搗滕城賊奔
城退保兩伏山遂以輕騎躡擊之而逸者勿追伏山
之賊旣盡於是亟攻鄒鑿城通道賊泥首乞降擒賊
首徐鴻儒獻捷赦脅從四萬六千有奇在行間六月
勞不解甲倦不支枕計殲妖之伐公功居多陞布政
司右叅政分巡濟南敘功加右布政使督漕江南會
蓮妖再發東撫王惟儉謂非公不能辦賊題畱守沂
按臣力主撫與公異議遂請告歸養復中外計量移
卽家起薊州兵備尋加左布政使薊門軍索餉圍撫
院於遵化公單騎馳入陰部署夷丁標兵分營四門

按○兵○不○動○登○城○而○呼○曰○給○三○月○糧○趣○歸○守○信○地○否○將○擊○汝○衆○聲○應○如○雷○轟○然○而○散○其○能○應○變○如○此○尋○移○病○歸○里○辛○未○起○山○東○武○德○道○兵○備○及○淮○而○山○東○潰○卒○叛○攻○陷○濟○南○六○邑○倍○道○宵○征○赴○監○軍○道○之○命○於○萊○無○何○拜○都○察○院○右○副○都○御○史○巡○撫○山○東○二○月○朔○與○萊○撫○謝○璉○同○日○受○事○卽○日○賊○已○抵○城○下○自○二○月○四○日○至○於○四○月○肉○薄○環○攻○不○舍○晝○夜○礮○石○星○流○飛○矢○雨○射○城○中○蒙○頸○而○炊○負○戶○而○汲○公○意○氣○自○若○激○厲○將○士○撫○循○夷○傷○洒○止○麗○譙○誓○共○生○死○賊○舞○梯○衝○攻○我○目○三○面○至○八○面○

我○伏○鎗○砲○湏○其○上○而○擊○之○敵○乘○高○臺○瞰○我○自○一○臺○至○三○四○臺○我○縱○機○火○焚○其○臺○而○墮○之○敵○掘○地○道○穴○我○深○可○旋○馬○自○一○洞○至○數○十○洞○旋○隧○響○穿○城○隅○逆○塌○幾○陷○者○數○矣○我○用○穴○塹○寘○壺○焚○穢○縱○火○之○法○薰○尸○滿○窟○敵○死○無○筭○又○與○總○戎○楊○御○蕃○游○擊○彭○有○謨○選○擇○死○士○懸○門○突○擊○後○先○搏○戰○殺○敵○數○千○人○贊○畫○主○事○張○國○臣○奉○撫○議○以○出○援○兵○皆○畏○敵○左○次○主○者○亦○聽○之○以○爲○撫○成○則○萊○圍○自○解○三○月○初○國○臣○遣○使○爲○賊○求○撫○公○嚼○齒○大○罵○安○得○尚○方○劍○斬○此○大○奸○細○乎○乃○抗○疏○白○國○臣○倡○和○

緩師將如孫元化斷送登城故事臣死當爲厲鬼殺賊斷不敢以撫之一字面謾至尊淆亂國是送封疆而戕生靈以至一誤再誤疏入中朝皆不以爲然敵益弃疾於我四月十六日架元化所遺西洋大礮攢擊城西南隅勢甚厲公方藺閔丁壯指麾出戰左右請少避之公曰不可語未絕口礮中額額身仆血膏中萊撫馳而撫之則已絕萊人大臨守陴者皆哭嗚呼傷哉初兵部條上方略曰萊撫守萊東撫駐青調度公固不必入萊也卽萊失而有奉詔可自解公謂

東撫控壓全齊駐青不足繫萊人之心而入萊則可以繫全齊之命委一身於孤城示全齊以必死而劫之不得不救且使敵聚銳合圍累旬浹月慮我師綴其後必不敢豕突狼奔長驅它犯待其力盡不拔師老形變解圍之後我以全力賊登一鼓可拔公之意遠矣柳子厚論睢陽事曰俾其盡力於東南而去備乎西北力保於淮而功靖乎醜類公斯舉之謂乎公旣死朝廷贈公兵部尚書蔭一子錦衣衛百戶世襲予祭葬賜祠額曰忠烈

論曰人知公以死守萊爲功不知以死拒撫尤爲功也方敵以撫謾登以撫謾萊且以撫謾中朝而獨不能謾公至公死之後馴至于侮明詔戕命使而萊卒堅守不下則公持之矣且登之撫疆吏主之萊之撫中朝主之以死拒敵之求撫易以必死拒中朝之主撫難公真社稷臣哉

田太常傳
公諱景猷字觀野貴州思南人也貴僻在萬里土人皆世官士以文墨登甲第者三歲不一二人公少即有班定遠投筆封侯之志土人皆異之壬戌登進士時遼左兵起每有與公言疆事者輒願以身許國會貴酋安邦彥反督撫以狀上聞公念黔爲父母邦安氏世擁強兵戒心叵測將流毒一方遂上疏願奉天子威德宣諭之令去逆効順朝草疏而夕報可于是超拜兵部職方郎往監黔軍輦上既壯公英風亦往

往有目爲少年喜事者公聞益自負誓不與此賊俱
存○炎○鞍○獨○往○露○劍○長○驅○水○陸○晨○昏○霆○馳○電○走○未○幾○卽
達○賊○所○遂○單○騎○入○賊○軍○賊○素○懼○公○名○聞○其○至○倉○皇○失
色○百○計○欲○得○公○心○每○案○列○金○珠○席○羅○珍○錯○以○奉○公○公
終○不○爲○動○獨○念○事○不○可○激○激○則○變○生○始○含○怒○以○乘○機
志○在○入○虎○穴○得○虎○子○耳○淹○賊○所○且○二○年○賊○亦○計○無○復
之○命○一○使○忽○作○危○語○君○不○慕○貴○豈○不○惜○歟○語○未○終○公
拔○劍○亟○起○擊○使○使○逸○去○不○得○中○公○因○至○賊○營○厲○聲○曰
聖○明○未○曾○負○汝○何○難○滅○汝○朝○食○所○惜○者○一○人○熾○禍○萬
姓○何○辜○故○特○命○我○諭○汝○汝○終○不○悔○禍○族○且○赤○我○復○何
云○賊○始○信○公○必○不○可○屈○而○心○益○悸○復○禮○公○如○初○中○丞
王○公○三○善○初○至○軍○聲○大○振○王○公○素○負○膽○勇○旣○解○會○城
之○圍○賊○頗○寒○心○公○聞○而○有○喜○色○賊○偶○窺○之○疑○公○意○可
移○將○出○軍○遂○拜○公○爲○先○鋒○公○奮○然○曰○此○吾○報○國○日○乎
取○間○單○騎○馳○至○我○軍○疾○傳○密○計○仍○馳○混○賊○營○我○軍○旣
悉○賊○虛○實○踴○躍○進○討○無○一○不○當○百○摧○堅○破○銳○鼓○向○無
前○賊○墮○計○中○艸○木○皆○兵○人○各○奔○命○匿○入○險○窟○束○手○待
擒○王○公○志○在○滅○此○朝○食○甲○不○暇○捲○乘○勢○剽○巢○有○謂○窮

寇○勿○追○宜○堅○壁○四○圍○賊○將○作○釜○中○魚○王○公○不○聽○賊○所
居○皆○深○林○密○箐○且○知○法○在○不○赦○各○出○死○力○相○當○我○兵
既○昧○地○利○又○忌○王○公○功○者○頓○兵○不○進○救○援○俱○絕○賊○合
衆○寨○襲○之○我○軍○不○能○支○王○公○倉○卒○遇○害○公○四○顧○失○望
乃○下○馬○嘆○曰○臣○不○能○報○陛○下○死○有○餘○憾○矣○遂○從○容○就
死○事○聞○上○愍○其○忠○贈○太○常○寺○卿○予○廕○公○死○時○母○尚
在○賴○配○楊○氏○有○丈○夫○風○李○大○生○吏○部○傳○其○事○忠○孝○節
義○並○萃○一○門○云○
論○曰○英○雄○固○可○以○成○敗○論○乎○公○兩○載○深○謀○乘○時○奏○捷
詎○料○輕○師○致○敗○亂○軍○相○踐○骨○碎○沙○場○功○垂○成○而○偶○墮
計○已○就○而○俄○傾○天○耶○人○耶○然○至○是○而○謂○公○少○年○喜○事
者○無○所○施○面○目○矣○誰○謂○公○死○不○幸○哉○

張烈愍傳

附劉希文等

公諱振德字季脩直隸崑山人也幼岐嶷莊重不苟

言笑甫五歲父應忠口授出師表讀至鞠躬盡瘁句

卽廢書泣下長爲諸生有名讀唐書張巡許遠傳輒

擊案曰罵賊而死尚汚賊又我頭豈容賊斫耶其忠

孝性生慷慨激烈如此迨舉鄉貢授徒糊口敝廬不

蔽風雨十年一破繒針紉之痕紛如纈綉也萬曆丙

辰謁選授蜀興文縣令縣故九絲蠻地四面皆夷叛

服不常脩禦全闕公至卽預籌桑土條陳防守事宜

會議格不行。所興除。以百計。飲水茹藥。至不能具。褒
發。累。署。劇。邑。民。皆。服。祝。天。降。祥。西。秋。公。方。共。事。蜀。關。
而。奢。酋。之。變。作。一。時。州。縣。咸。鼠。竄。與。文。弓。兵。不。滿。數。
名。土。墉。不。踰。三。尺。人。情。洶。洶。公。九。月。廿。六。夜。半。還。邑。
卽。出。示。禁。民。遷。徙。以。定。人。心。調。取。屬。縣。吏。丁。守。城。皆。
應。募。援。遼。僅。存。老。弱。縣。尉。劉。承。澤。問。將。若。之。何。公。曰。
督。率。吏。民。乘。城。死。守。事。不。可。爲。吾。行。吾。志。而。已。三。十。
一。日。長。寧。簿。徐。大。禮。以。騎。從。來。迎。眷。屬。避。兵。公。笑。曰。
二。邑。皆。吾。守。也。却。之。時。公。蓋。署。長。寧。篆。云。抵。暮。飲。數。

甌而寢意氣如常晨興簡篋中得白金一兩有奇授
次子緄曰振德邊令五年千辛萬苦上不得罪於天
地朝廷祖宗下不得罪於百姓今欲守而無可守之
人欲戰而無可戰之具惟有手持兩印以身殉國而
已二兒若幸得全惟爲善以畢吾未了之志他無所
囑書畢左右皆哭失聲公晏然言笑自如復謂緄曰
吾生平讀史至千古難平事絕代有心人未嘗不爲
歎歔流涕而此非予洒淚時也讀聖賢書所學何事
臣爲君死復何恨汝母與嫂及妹皆自分一死汝當

歸語汝兄共圖樹立以報君親毋負我忠義家聲可也公自是出入吉服刻刻自辦一死矣二十三日昧爽賊騎數千環薄城下公手劍跨馬率弓快數十人開門出戰衆寡不敵退入城中集男女及家人登陴捍禦矢盡力竭公猶手發大礮擊殺賊以百計會天大風雨山城摧裂賊衆擁入公聞變痛哭厲衆巷戰死傷殆盡疾馳入署左手持兩印右手秉七首正色危坐廳事令夫人以下人持一利刃環坐後堂積薪坐側曰君子死冠不免急繫長纒於項下未幾有鎮

維府叛生唐華佯憇曰無恐公怒曰丈夫從容就義夫何恐日暮賊縱火焚民舍公曰此臣子授命時矣起望闕叩頭曰臣生不能爲陛下殺賊惟有一死明志耳令家人舉火遂同夫人錢氏及女淑安淑慶俱出列段火中僕婦蘓氏沈氏長幼同焚死者九人家入顛美嚴榮皆巷戰陣歿明日賊首至火所見公鬚髯怒張面色如生兩印在手血漬模糊堅不可取皆愕然稱爲忠臣羅拜而去士民葬公于縣南天壇山壬戌贈光祿寺卿給祭葬建坊立祠廕子錦衣子戶

妻女祈祠顧美寺卹給有差是時先後殉難者教諭
劉公希文華容人貢生署篆甫半載賊復至公誓死
不去妻白氏亦慷慨有丈夫風從容語公曰若爲城
死予安得不爲若死乃盡遣其家衆夫婦同罵賊不
屈死之又有長寧主簿徐大禮一家四口服毒而死
南溪知縣王碩輔守城禦寇力屈而死灌縣知縣左
重督兵援省與賊對陣而死桐梓知縣洪維翰破城
奪印不屈而死遵義推官馮鳳雛不避艱險親入虎
窟復城據守勞苦萬狀亡何羣酋夾攻鳳雛挺身罵

賊被殺二鎗而死威遠經歷袁一修遵義司獄蘓捷
義不從賊墜城而死大足主簿張志譽典史宋應臯
集兵陣于西壇與賊戰四晝夜詎叛賊葉省祭添兵
夾攻志譽應臯並家丁張成俱殺死合州鄉官原任
鞏昌同知董盡倫率衆殺賊進入榆城伏兵四起爲
賊暗刺永寧鄉官原任松潘道叅政李忠臣密約同
志歃血擒賊詎料謀泄賊衆入宅忠臣不屈伏劍自
刎瀘州鄉官原任應天通判高光削髮作偈有曰君
父謹尊削髮自盟臣子守定留鬚爲證與子生員高

在崑募兵復城殺賊百人酋恨追殺至大葉壩光罵賊不屈與家丁十二人同遇害永安舉人胡鎮集兵截賊被羈囚獄鎮復設計脫穿倡義招降二萬餘人結賊心腹爲內應不意營中延燒火藥焚死其當賊據重慶則巡撫徐可求百刃臨頭罵賊遇害巡道孫好古駱日升相對從容公署自經諸將王守忠義不就擒李繼周領兵出圍聞變回援甘心祖受一死靡他重慶知府章文炳循良茂著就死之日百姓以身翼之者數圍逆酋尚有悔殺廉吏之言他若推官王三宅郭象儀楊愈想同知王世科熊嗣先知縣段高選訓導趙燧典史吳應元縣丞蕭美葛盛德總兵黃守魁叅將萬金守備劉自靖孫世侯毛民望遊擊李縉指揮王登爵韓應泰崔英李世勛李承宗鎮撫郁聯若干總王成龍千戶鄭應欽百戶范之偉張羽汪起蛟俱戰死

論曰予觀人死生之際未有不能殺人而能自殺者能殺人自殺而或不能殺其妻子始知人愛妻子之心甚于自愛其身今烈愍公全家赴火視死如歸卒

鬚髯奮張兩門牙如施丹。虜乘墉大呼聲殷殷。動樓櫓賊望見以爲神。人謹唾羅拜。俄而箭發於西隅。二賊斃焉。視之則延綏沙柳幹也。賊憤盈肉薄而上。遂不可禦。公緋衣坐堂上。嚼齒罵賊。賊前搏公裂其冠裳。以銀鐺鎖之。公大罵胡不速殺我。賊顧不忍。越三日不食。賊勸之食不可勸之去。又不可爲詩。八章書於屋壁。以縣印遺狀付門子魏顯。炤僅守務。非向再拜自縊而死。顯炤乞棺於賊不許。乞布裹屍。許之。遂瘞于官署之池側。賊考掠顯炤索印。顯炤以印予父國臣。以遺狀予妻之父高登士。及守務反而罵賊死。之九月賊平。公父收屍反葬。蓋六月而後殮。撫臣趙彥上其事。詔贈太僕寺少卿。有司立廟春秋祭祀。給其父母誥命。蔭子琨入監。并錄顯炤守務復其家。而董二者城陷遁去。其後卒以賄免。

論曰。公以視事三日之官。守巷無居人之邑。率數十子遺之民。抗數萬方張之寇。城之未陷。可去弗去。賊之勸行。可走弗走。公自處審矣。將明示天下無破城不死之縣。令無陷賊不死之臣。子耳鳴呼使世盡如

公何至。厥角稽首。二百州哉。

熊孝義傳

君名熊華。小字乞兒。一字梅卿。南昌人也。父諱文舉。為名吏部君。生而長骨。明皙如畫。肌膚玉立。唇朱燁燁。觀者以為神仙中人。甫十歲。敏慧絕倫。凡左國秦漢莊列韓柳歐蘇及李杜大家詩。長篇朗誦。不遺一字。顧善病。幼時手足以痘傷。終歲從師。閉門自好。世間塵俗事。絕不縈其胸次也。癸未冬。君父雪堂公官吏部。亡何賊陷京師。君父倉皇求死。自縊者再。為門生簡討劉世芳。中書譚涓解救。旋為賊執。拷掠備至。

2 3

应为 又P26

而南京馬阮用事。誅求門戶。乃拘收君之祖于縣之糧衙。君慷慨謂其母曰。兒為吾父子。吾父不幸留滯。燕京乃以不白之冤累及耄祖。吾聞父死。子代豈有父代子死之理。讀書之謂何。遂奮然至縣。請代祖旋釋歸。君在糧署中。每日讀書。聲朗朗不輟。一夕憤激。痰發而絕。時為甲申十一月初九日。年僅二十。君死後。主簿為感泣失聲。豫章人士無不嗚咽流涕者。當庚辰辛巳間。君父以言事忤奸輔。借題羅織陷其父。繫詔獄。君父泣血叩閣。請代。未幾奸輔敗。得旨給假。

龔遊擊傳

附李世勳

公諱萬祿。黔人也。目不識丁。而姿貌魁偉。有膽智識度。膂力過人。初以材官蹶張。從劉大將軍。繼征播州。先登海龍壘。為諸夷所憚。授名邑守備。提調蜀之建武營。觀察使陳公禹謨。奇其材。厚遇之。六縣巨盜。悉以委公。公購得綠林傑黠者數人。使之轉相勾捕。無得逸者。久之。群盜盡入兵籍。公推誠撫之。如子弟。南徼無盜。有兵自公始也。然徃徃為儕偶所忌。輒有藪盜聲。邊丞李公弘讓。初不相知。頗示挫抑。公服其清。

不爲怨。後李客死。公領假子數輩三千餘里。護其喪。歸秦人。多義之。天啓壬戌。天下大徵兵。援遼。公以偶病得留。蘭酋奢崇明反。建去其巢。不二百里。父老聚族而謀。擁公署遊擊將軍。事掌所指揮。李世勛舊踞公上。至是受公節制。相與戮力。畫策爲固守計。旬日集兵二萬。其不能兵者。輸饟。有差。旗鼓一新。遂成重鎮。酋竊欲出。成都不意。而內忌公。乃遣漢目張令說公降。令亦有心。人雅欲自拔。對公慷慨陳志。愿合力。焉賊公恐其給已也。姑嘗之。曰。蘭勢如此。全蜀已在。

掌中稍異。同如燎毛耳。不降何待。令亦知其僞也。反覆明其無他。請以三物。詛盟。公從之。謬爲降書。附令去。已而酋果遣長官黃光昇。鎮建武。公又脅降之。先後誘殺賊無算。忽微服走叙州。密請于兵道徐某。曰。酋之精騎盡在會城。其留巢者不過老弱。及守宮備耳。夷性多內顧。誠聽萬祿。率二萬人。搗其巢。以搖之。成都圍可立解。兩酋命且旦夕盡矣。徐奇其策。且檄別將分道犄角。客有告徐者。云此險道賊無所歸。將據內地。爲柵方長。徐入其說。乃不果聽。無何賊自成。

初潰歸。晝夜馳三百里。鎧伏布地。腫浮于股。公舟上。乘敞搗巢之策。復不納。于是賊得收散亡。乞隣援。遲志州南。旣陷長寧。悉全師攻建武。公念賊勢方熾。建武糧援兩乏。非嬰城之局。遂揮衆邀擊于十餘里外。時有斬馘。竟以衆寡不敵而敗。世勛見城陷。遂具冠服。東向再拜。用所遺火藥自焚死。公手刃兩妾兩孫。復自刎不死。乃握稍馳出。大叫曰。我龔萬祿也。能相逼者。聽賊讐。瞽指竟不敢逼。至叙州。身無完衣。士庶擁馬首。勞公者如堵。爭携牛酒解裘褐。御公。雖菜

備寒峻。皆割刀錐。効殷勤。是時巡撫朱燮元已涖叙。公乘來福渡之捷。唾掌而復建武。然屢策不用。快快有病色矣。會有江門之戰。盧世卿持將令逼公入耳。記山策應江門。敗世卿等。皆遁。賊四面環攻。公力戰三日。不可脫手。刃數賊而死。子崇學亦戰死。公威名久著。獠夷畏憚。奢崇明旣克建武。旋向鎮雄。借兵鎮雄人。首訊龔萬祿死否。賊曰。走矣。鎮雄人曰。萬祿猶在爾家。切勿作別樣想。頭死之日。三軍奪氣如失。一長城云。當事上其狀于朝。贈公游擊世襲百戶。子亦

世襲百戶。其無干。傳觀公。其母。其父。其子。亦
論曰。昔魏園趙邯鄲。田忌救趙。孫子教以直走大梁。
卒能敵魏。唐太宗圖王世克。竇建德出兵虎牢。救之。
凌敬謂當渡河窺太原。以搖河東。建德不用其言。卒
就擒。戮公之告徐憲。使與孫凌同蓋形禁勢格。批亢
搗虛。此固兵法。人自不識耳。予悲夫。擁旄節。仗黃鉞。
者。田忌少。而建德多。令負奇如公。徒以劍殉沙場。
故特著之。不徒重公死事也。其後。其母。其父。其子。亦

王巡撫傳

附梁思恭等

公諱三善。字彭伯。河南永城人也。少儻負大略。才
氣無雙。舉萬曆丁酉鄉試。辛丑登進士。筮仕荊州府
司理。荆爲三楚劇郡。又朱邸貴人。與天潢之無賴者。
橫行閭里。莫敢誰何。公一切繩以柱後惠文。于是風
采茂著。選入爲吏部郎。銓曹羶地畏途。入其署者。編
籬樹棘。拱默自尊。外示清慎。內實以固位握權。需次
俟卿貳。公獨慷慨發舒。覩時事有所憤激。數上疏力
爭。與臺省抗辨。不少蓄縮。遂以此賈忌觸嫌。引疾歸。

卧○庚○申○起○太○常○少○卿○辛○酉○黔○事○孔○棘○遂○命○公○以○右○僉
都○御○史○巡○撫○貴○州○或○疑○忌○公○者○欲○置○公○危○地○公○不○恤
也○時○蘭○酋○旣○叛○水○西○安○邦○彥○起○而○應○之○挾○安○位○爲○名
聚○衆○十○萬○以○壬○戌○春○圍○貴○陽○且○十○月○舊○撫○李○標○巡○按
史○永○安○嬰○城○固○守○永○安○與○諸○將○盟○作○飲○血○歌○見○志○城
中○無○一○歲○之○儲○掘○艸○根○煮○鼓○甲○俱○盡○至○食○人○而○援○師
卒○不○至○公○受○命○星○馳○且○乞○師○楚○蜀○犄○角○並○進○至○冬○十
一○月○寂○無○應○者○公○乃○召○諸○將○諭○曰○外○兵○不○能○來○矣○貴
陽○陷○在○旦○夕○吾○輩○失○黔○則○死○法○進○援○則○死○敵○等○死○耳

柰○何○不○以○忠○義○自○奮○于○是○令○道○臣○何○天○麟○督○兵○七○千
從○清○水○江○進○爲○右○部○道○臣○楊○世○賞○督○兵○萬○餘○從○都○勻
進○爲○左○部○而○自○與○道○臣○向○日○升○將○二○萬○從○中○路○進○當
賊○鋒○人○有○議○臘○月○不○興○師○者○公○叱○去○之○兼○程○而○前○中
途○一○夕○忽○合○營○大○驚○報○賊○至○競○議○退○兵○公○曰○退○則○糞
粉○耳○吾○請○以○身○捍○之○按○兵○不○動○卒○無○賊○盖○奸○細○訛○言
也○至○龍○頭○營○遇○賊○命○劉○超○爲○前○鋒○擊○之○賊○首○阿○成○最
驍○勇○超○與○步○兵○張○良○俊○直○前○斬○其○首○賊○遂○披○靡○公○統
兵○繼○至○大○呼○齊○進○奪○龍○里○城○衆○議○此○地○去○省○會○四○十

里賊○必有○大兵○堵截○請量○而後○進○公曰○此行○累數○日○糧○爲○必死○計○不能○持久○吾○初○至○賊○不知○我○虛實○宜○亟○擊○勿○失○策○馬○先○驅○衆○乃○繼○之○賊○見○公○自○將○疑○有○大兵○又○錯○愕○出○不○意○亡○散○奔走○所○棄○輜○重○器○械○山○積○遂○乘○勝○抵○貴○陽○城○下○時○壬○戌○正○月○也○城○中○慶○更○生○者○歡○聲○如○雷○撫○按○府○道○迎○公○入○城○公○不○可○曰○賊○去○未○遠○兵○心○未○定○吾○爲○主○帥○豈○敢○卽○安○遂○營○于○南○門○外○坡○上○設○帳○大○雪○中○賊○聞○始○遠○遁○陸○廣○河○外○且○走○漢○日○羅○希○祿○等○上○訟○寃○書○公○念○國○家○東○西○交○急○恐○師○老○財○匱○將○以○其

事○上○聞○請○開○一○面○網○而○總○督○楊○述○中○巡○按○侯○恂○不○可○于○是○諸○羅○絕○意○內○向○公○始○主○進○勦○且○決○意○自○將○以○閏○十○月○聚○兵○六○萬○渡○烏○江○禡○祭○次○第○發○十○一○日○次○黑○石○賊○來○逆○敗○之○斬○卻○將○覃○弘○化○令○于○軍○以○其○盤○桓○不○進○也○十○九○日○賊○悉○衆○至○始○出○十○數○騎○憑○東○嶺○瞰○諸○壘○公○下○令○不○俟○申○營○礮○聲○而○出○者○斬○諸○營○相○戒○不○敢○發○而○賊○離○離○漸○下○平○蕪○間○躍○馬○舞○稍○傍○若○無○人○我○兵○從○柵○內○窺○之○皆○唾○掌○磨○牙○以○求○一○當○已○聞○礮○聲○皆○肉○薄○而○前○賊○遂○辟○易○匍○匐○緣○崖○以○遁○翹○首○東○峯○盡○漢○幟○矣○是

日○斬○獲○三○倍○黑○石○二○十○三○日○賊○復○至○其○迫○壘○如○前○敗○
亦○如○前○嗣○是○賊○知○索○戰○不○利○乃○柵○漆○山○自○固○欲○久○住○
以○老○我○師○時○宿○春○將○盡○賊○日○以○遊○騎○伺○我○樵○採○衆○其○
苦○之○人○心○動○搖○訛○言○四○起○二○十○五○日○諸○道○將○集○公○壘○
門○議○退○鎮○南○關○觀○變○公○厲○聲○曰○邇○日○軍○情○吾○知○之○今○
有○三○策○聽○爾○曹○自○擇○一○則○斬○吾○首○詣○賊○降○二○則○焚○營○
而○遁○遁○亦○斬○吾○首○懸○之○西○峰○頂○上○示○無○退○志○三○則○惟○
有○力○戰○耳○諸○將○心○動○多○泣○下○者○齊○聲○曰○吾○爲○公○死○公○
下○令○選○鋒○立○懸○萬○金○之○賞○二○十○七○日○昧○且○諸○軍○鱗○次○

向○漆○山○公○朱○衣○峩○冠○羽○蓋○肩○輿○至○將○士○望○之○咸○有○欣○
色○公○曰○爾○輩○知○吾○衣○冠○意○乎○爾○輩○若○潰○此○卽○吾○致○身○
處○矣○顧○左○山○頗○峻○麾○左○路○軍○據○其○顛○而○中○右○二○路○輕○
重○布○之○賊○不○意○我○兵○迫○其○營○倉○皇○起○柵○而○下○以○精○銳○
來○爭○左○山○相○拒○移○時○勝○負○未○決○俄○而○左○營○定○番○卒○龔○
鼎○發○勁○弩○仆○一○賊○目○陣○微○動○鼎○揮○長○刀○直○前○鋒○士○十○
餘○軍○繼○之○兩○軍○堵○牆○而○進○賊○大○敗○賈○墜○死○者○無○筭○少○
頃○烟○焰○蔽○天○我○兵○已○焚○賊○營○矣○自○公○出○師○此○爲○第○一○
捷○逆○彥○狼○狽○几○不○能○騎○明○日○公○盡○萬○金○頒○賞○卽○下○令○

亟趨大方。次草子孔。復敗賊。斬獲千餘。大約與漆山之捷等。賊從此不復能軍。我兵遂安行。渡渭河。降者漸至。始知三日前賊從驪馬堰捐金犒師。一噪而散。蓋漢人爲田進士景猷所結。有陰附心也。十一月十九日入大方。大方險遠阻絕。爲安夷千年窟穴。前此漢兵未有至者。公駐宣慰宅。奠安位。出降。因執位索彥。而事機不偶。制府忌公。獨擅大功。多方撓敗。公欲合蜀力圖賊。因往約蜀帥李某。某復以無糧辭。往返遷延。萬山崎嶇。轉輸不至。不得已。拔營歸。甲子正月初

三。發大方。焚宣慰宅。火光燭天。數十里外可望。而師期且洩。賊已潛趨間道。邀我矣。公且行且戰。時有斬獲。初九日。次內庄。明日移營。公爲後殿。諸軍俱前。惟後軍爲賊所斷。公督諸軍還救之。我兵忽薄于賊。奔走四散。公猶厲聲呵止。賊騎因風雨至。道將皆鼠竄。公遂以馬躡遇害。時甲子正月初十日也。公留心經濟。自其家居時。江湖之俠。屠釣之豪。翹關奮戟。擊筑探丸之客。皆收貯夾袋。後多得其死力。援黔時。得即報不肯發。封識宛然。舊撫李樓問故。公曰。吾正辦兵。

事何暇及此且朝議戰守紛紜每苦聚訟觀之徒亂
人意耳其堅決如此從公而死者同知梁思泰方明
棟進士田景猷知縣萬應奎捕官楊思炎知縣從
龍諸將王達陳濟民李邦王建中王得勝董兆舜秦
明屏藍補袞陳我謀田有龍耿良張要宗延齡尤正
國周國用聶應德馬武單天胤李紹宗譚事君劉象
民羅承富曹思敬黃中和劉應龍陳富余報國張俸
楊鯨羅袍羅承寵劉仲時楊通張懷邦等而監軍道
岳其仰爲賊所留奢啓輝館穀之欲爲乞撫地閱數

月窺賊中弛條走蠟書通秘計于蜀爲賊日補窩與
逆彥所殺先是公解貴陽圍又宅溪之戰擒賊翼宋
萬化何中蔚獻俘闕下已晉兵部侍郎至是督臣以
狀聞且爲請卹科臣疑公貪功失律僅炤袁公應泰
例贈兵部尚書廕一子錦衣世千戶而不予謚士論
痛之
論曰公以一旅解十萬之重圍八捷破千年之天險
如疾霆之震朽木輕舟之下安瀾功亦烈矣雖伏波
馬革血染啼鵲然不數年伏莽就禽腥膻迅掃秋毫

皆○奉○公○餘○威○也○且○貴○竹○之○守○幾○于○羅○雀○掘○鼠○公○遠○巡○
不○至○則○無○黔○無○黔○則○無○蜀○西○南○一○片○地○剩○水○殘○山○遺○
黎○故○壘○何○一○非○公○矛○炊○劍○浙○星○往○霜○眠○所○收○拾○况○觀○
變○則○譏○其○逗○逼○直○前○又○議○其○輕○進○然○則○仗○鉞○臨○戎○豈○
復○有○逃○死○地○耶○至○比○公○于○袁○司○馬○尤○相○筵○楹○夫○身○失○
遼○而○甘○同○其○亡○與○身○復○黔○而○獨○蒙○其○禍○三○尺○童○子○能○
辨○之○吾○于○是○知○甘○陵○南○北○部○之○釁○深○于○疆○塲○而○倉○沙○
之○筆○雖○魚○腸○鬼○矢○不○啻○也○挽○槍○不○掃○社○稷○爲○墟○豈○異○
人○罪○哉○

王道義傳

公諱佐聖字克仲南直長洲人也弱冠登壬子賢書
入山下帷未嘗一問戶外事惟以文章名節自礪崇
禎 謁選人得青溪廣文鼎新聖廟鼓舞英雋人
文燁然改觀中丞張國維首薦公于朝辛巳擢令蜀
遵義其地古夜郎西熨揚首世據爲窟穴 神宗二
十八年逆酋楊應龍稱兵犯順旣平悉取其地郡縣
之始隸天朝版畷戎索雖更夷風未殄報至或勸公
無往公曰普天率土何地不可自効幼讀孔明傳鞠

躬盡瘁。歿而後已。懷之久矣。遂叱馭往。旣蒞任。清勤
慈惠。凡庶藏積弊。左右巨蠹。一切釐正。斥逐不遺餘
力。渭水以西。苗夷慕化。稽顙効順者。不可勝計。甫
月。政治畢舉。乃單車涉嶽。遍觀山川形勢。見孤城斗
絕。四面皆夷。雉堞傾欹。峭崖錯布。抵水西安。酋蘭酋
大方谷里等。巢僅二十里。惟地名新站者。山勢險隘。
前臨渭水。爲群夷入犯所必經。遂倣張仁愿築受降
城。意躬先畚鍤。創立新城。以扼夷吭。萬民踴躍。不旬
月。屹成雄鎮。公抵掌攬轡。謂厥功一建。寇至則遏。其
衝突深入。則絕其歸路。若越此而窺府治。當使隻輪
不返。于是招流亡。散牛種。開邊屯。內則嚴保甲。整器
械。申晝夜巡游之法。嚴堵截捍禦之令。守事粗舉。而
八月。酋首郭士奇。吳尚才。擁衆入寇。矣邊將趙國政
戰歿。賊遂大肆焚掠。公督率民兵。且守且勦。伏奇兵
隘口。生擒士奇。尚才。殺賊黨百餘人。喪氣宵遁。公知
賊且復來。條議守禦十策。上請當事。莫有應者。壬午。
四月。酋帥吳尚賢。龍正國。率叛夷數萬。大舉攻城。公
躬擐甲胄。親冒矢石。晝夜相敵。復遣將遍招通邑鄉

勇密授方畧令分兵斷賊歸路顧外援寥遠賊鐵騎
四集團合數重飛梯越城囂聲震地公知事不可為
以縣印付子恪命服拜關危坐公堂頃臾賊至公裂
眦罵曰汝以遵無備耶我義兵數萬且暮且集賊無
噍類矣拔劍擊賊力屈遇害猶僵立不仆未幾所部
義民感公遺愛聞變痛哭誓效死力戰遵公方畧勒兵
新站邀賊歸路盡殲尚賢正國數萬賊于境內竟不
出公初料云吳撫黃希憲令春秋祠祭公於甲並器
論曰公以循良兼良將者也再歷期年固圍振武逆
酋當不敢北向牧馬矣卽不然一發之後所上條議
盡見施行亦何至矢盡糧盡使耿恭魏尚委骨于錦
官玉壘蠻烟瘴雨之間哉况公死于前賊殲于後則
公倘不歿論功幕府且居然以執訊獲醜膺麟臺雲
閣之賞矣嗚呼豈非天乎

王巡撫

趙十二官

公名漢初名應駿子子房萊州掖縣人崇禎十年進
士除高平知縣調河內邑大饑公貸萬金易粟于淮
徐浮河而至且捐俸減糶煮粥以賑復因以修城垣
募壯士巨寇劉二將以正月三日攻濟源濟源告急
公佯不應于除夕出賊不意赴之以元旦登天壇山
擒劉二乘大雪至山西破妖僧智善夜半渡河破賊
揚六郎會李自成攻汴甚急外救弗前公乃率親兵
至金龍口柳林諸處以大礮火炬爲疑兵遣死士入

賊中聲言宜大及左鎮兵來援各數十萬至矣自成
驚走圍稍寬當是時公威名動河北公爲人負氣愛
才人有一長必握手贊歎稱之不容口僚屬紳士有
能陳民疾苦及言公過者則瞿然下拜麾下有能爲
公辦一事者經年不忘用兵與士卒同甘苦故人皆
樂爲之死先後破賊皆縱間謀入賊中賊中舉動無
不預知賊圍汴不通音問公之死士能達書于巡撫
高公又盡得闖曹袁諸賊虛實其攻天壇山山陲絕
數仞遊者或用數人以布牽輓乃登公獨持刀前行

直上人服公勇時賊氛自熾上每臨朝而歎公前後
破賊功皆奉旨優叙都下推知兵者必曰王子房云
十五年三月以減俸行取入都與蘇京王燦同召對
於德政殿稱旨命三臣皆以試御史監軍公監左鎮
保督湖川郎兵與督臣侯恂南援汴時兵部奏援勦
兵十萬以十之四屬三臣而以其六屬公公所監凡
五萬九千然已潰散大半兵部但以空名使之公乃
請自立標營兵千人騎二百報可乃簡保營兵百餘
人募邯鄲鉅鹿壯士三百人又取故治河內所練義

兵及修武濟源素從征勦者五百人及親故子弟合
之共千人八月朔夜半襲賊于范家灘斬一紅甲賊
目檄諸將合勦公自走襄陽督左良玉兵救汴至潼
關而巡方之命下會汴城陷沒公乃督諸將自柳園
夜半渡河伏兵西岸檄從善等夾攻之斬九十餘
級遂入汴大張旗鼓為疑兵追賊至朱仙鎮連戰皆
克擢都察院右僉都御史巡撫河南公乃廣開謀收
土豪議屯田而萊蕪諸生李櫛生以策干軍門謂河
南屯田地東則行于西華阻水而守以女媧城為水

寨以東皇為陸寨跨鄆陵通許商水扶溝盡人力可
數年不雨而不饑設三正將四都司歲屯六萬頃用
助法可養精兵三萬東連潯潁北控梁宋西則太室
少室熊耳盤薄深阻內多民寨亦用四都司屯近山
之田用貢法養兵三萬以據虎牢其許襄鄭葛亦以
四都司屯用助法于禹州駐撫標三萬分一副將駐
呂布城南扼山寨北距大河則汴維可以無恐復移
河北兩鎮分駐汝州南陽賊犯汝則西華應之舍汝
而北則汝鎮尾之西華出奇兵邀之賊犯南陽則禹

州應之。若舍死而北，則死鎮逐之。山寨鄉兵晝撓夜劫，俾無所掠，則漸饑漸疲，賊勢必當瓦解。公納其策，復與樞生謀，聘所知材勇之士，密計以某賊圖某賊，井井有條，間金所布以千計，而劉超難作。超，永城人，中河南武解元，跛而知書，為貴州總兵，坐罪免。壬午，上疏言兵計，下部中樞陳新甲用為河南總兵，以私怨殺鄉紳御史魏景琦一家三十餘人，懼罪招納土賊，據城謀叛。公疏請討之，奉密旨以策授公，為兵部洩之于超。超得為備，公以十六年正月十九日率兵

抵永城，環而攻之。以二十日四鼓奪其北門，超在東門倚樓為寨，自保。公見兵大捷，乃單騎入北門，大呼勿殺百姓。天忽雨，兵少却，擁突門下。公為賊刃所及，參將陳治邦游擊連光耀父子及家人劉重、張金皆戰死。游擊馬魁復力戰入城，負公尸以出，面如生。以公尸至夏邑，為之棺殮。河南北士民皆哭，失聲。上聞，嗟悼，贈兵部尚書，廕一子錦衣衛百戶。世襲而擒劉超至京師，磔之，奉旨傳首九邊。又有趙錢、唐三，公死，事甚著。趙，公名士寬，字汝良，號荼斐，以官生為鳳陽

府通判駐潁州行法不撓權貴崇禎七年正月賊犯
潁公適往壽州一日夜馳三百里歸潁城守甫入而
圍合守具咄嗟皆辦已而州之大家先逃城內大擾
賊乘以入公赴黑龍潭水死妻崔氏與二女同縊州
役從公死者十數人贈光祿寺寺丞錢公名祚徵字
君遠號錫吾以舉人歷官至汝州知州汝爲賊出入
孔道又有土賊聚至萬人依山爲巢公至則簡鄉勇
衙兵得千餘人佯爲城守計忽夜半開門出從間道
踰山谷步行抵其巢賊方縱酒不爲備急擊大破之

公策賊衆難盡誅乃釋其俘招之仍令民千家立一
寨有警相救賊屢失利其魁魯加勒等遂詣州降汝
人少休十四年正月賊犯汝州公中流矢力疾乘城
督戰二月四日大風霾城上以礮擊賊風逆火反樓
堞盡焚賊乘之入公被執大罵不屈爲賊擊刺無完
膚死唐公名啟泰字未許以舉人官至宜陽知縣十
四年賊陷宜陽公不屈遇害三公皆掖人皆官中州
因並傳之

論曰王中丞以御史被殺毅然爲國家振紀綱誅亂

逆奮不顧身奉彰天討。識者壯之。為劉超者。抗衡已
為非法。輒敢反戈相向。此豈耳目經見之事乎。余嘗
論天下事。矯枉過正。終必有弊。其始也。慮武弁權輕。
則氣衰而不克振。及其偏重也。又驕不可制。患殆甚
焉。以致各鎮擁重兵。與督撫勢不能下。輕重既失。
節制不靈。而國事因之大壞。可勝嘆歎。

王副使傳

公名孫蘭。字暉仲。號雪肝。無錫人。家世業儒。與兒孫
芝弟孫蕙。並有聲庠序。間時稱為王氏三珠。公中崇
禎辛未進士。選刑部主事。奉勅視江北獄。多平反。擢
員外郎。出守成都。成都煩劇。號難治。蜀府宗人素驕。
橫魚肉鄉里。市人吐譁。操自梧逐之。且束苴燔其屋。
公立而為曰。宗人撓天子法。宜治爾等。以小民。藝王
府如三尺。何衆斂手聽令。居二年。丁外艱。歸。庚辰服
闋。補紹興知府。歲大祲。設法賑救。全活數萬人。辛巳。

擢廣東南韶兵備副使時徃獲及公誓願淠川進討
之多斬獲功巡按御史柳寅東疏薦邊才第一張獻
忠寇湖南長沙衛承所在蹂躪韶境因接襲公聞變
卽爲文告城陞謂無韶則無粵吾必以死守乃殫力
扞禦大聲請兵僅得羸卒七百人復以他警一夜徹
去連州陷樂昌乳源仁化自潰韶吏民繼而逃手劍
當門不可止城中空無人公仰天嘆曰事不可爲矣
遂北面再拜冠帶自縊死得年四十五南京立安撫
江南御史郝彪佳上疏請卹擬謚忠愍南韶士民建

祠祀公子仁灝仁浹皆諸生負文望吾黨推之

論曰頃見一縉紳論死節事謂須恰好儘有先期而
徒死者後時而不及死者固屬妙議試觀王公卽待
賊至與城俱殉未爲遲也乃毅然寧先毋後者蓋自
讀書登仕時已辦得一副必死至性彼較量緩急直
是原不肯死作此解免耳吾見神京之變馬文忠公
將自裁或傳先帝出亡勸其從容觀變文忠一往
不顧其同時稍濡忍者一爲賊得卽欲自引決且不
能可見死者人之所難未有不捷于決成于果而敗

子○猶○豫○者○也○而○不○知○者○且○以○為○怯○以○為○狂○有○是○理○與○
善○乎○張○公○亮○先○生○之○言○曰○可○以○無○死○而○死○勝○于○不○可○
以○生○而○生○諒○哉○

石太僕傳

附徐可行

公名有恒號雲岫黃梅人父崑玉舉庚辰進士立朝
有名望公生而倜儻磊落氣節非凡善屬文試必冠
軍中萬曆己未進士授遂安知縣尋調長興長興傍
山為邑險劇難治大盜吳野樵者葉朗生餘黨也逃
匿長興廣德界公下令而嚴捕之羣盜憤甚遂于甲
子元旦入縣放火公被執索印索庫銀俱不可得挾
之而行不肯離縣門一步延頸受戮搜其橐僅得葛
布一疋俸銀二兩盜亦相顧驚嘆稱為真正清官主

簿徐可行亦被害。鄉紳丁元薦率地方羣起逐之。野
樵隨就擒。餘黨竄去。事聞。贈公太僕寺少卿。廕一子
入監。可行贈湖州通判。公子名確。字景雲。崇禎辛未
進士。令宜興。有善政。論曰。予聞石公之爲治也。發摘如趙京兆。不私如劉
一錢。德澤之及于民深矣。卒被盜殺。以身死國。烈哉。

張壯節傳

附弟可仕

公名可。大字觀甫。號扶輿。其先德安。孝感人。世襲南
京羽林左衛千戶。公中萬曆二十九年武進士。歷官
浙江都司。分守瓜儀。貢船被劫于帆山。公計擒其魁
徐少山。陞劉河遊擊。陽電叅將。會有征黎之役。與總
戎王公鳴鶴用黑番爲嚮導。入其洞。平之。調寧紹。駐
舟山。倭再入犯。公擊破之。于五罩湖。于茶山。于潭頭。
加副總兵。築城立碑。居人德之。歷南京錦衣衛掌堂。
南京右府僉書。管府事。提督大教場。總理水陸軍務。

鎮守山東兼防海總兵官時爲崇禎元年自三方有
置議起而登萊爲神京門限主客兵雜處新舊餉兼
支繁猥無緒公至首定經制汰冗冒水上則立海防
左海防右并標中三大營爲汛守內地則止留步家
丁一營馬家丁一營并陸左陸右二營爲城守歲省
金錢二十萬會裁登萊撫鎮兩臺疏保公暫管登萊
協守事而開府如故報可自遼土淪喪議者謂恢復
必先四衛而復四衛必先旅順于是或議扼南關嶺
或議築長城島公以鹽場口居兩山之間其隘可守

外距木羊城二十餘里內距旅順關十餘里首尾易
顧更設統城于黃金山最高頂彼不敢與我爭金州
矣遂決計城之高麗貢道舊繇山海關遼陽失後改
繇登萊公以麗船往來內地奸宄易生請令從覺華
島登陸仍繇關門入二年妖賊作亂衆至萬餘圍萊
陽公擊破之焚其六砦北兵入公率山東兵七千勤
王陞都督同知明年還鎮四年劉興治叛公遣裨將
陳治學等擊斬之東兵攻鐵山諸島公擊却隨陞右
都督其冬改南京左軍都督府管府事吳橋兵變破

陵縣等六城。公提兵會勦。巡撫孫公元化主撫不聽。公遂分城而守。城陷。公守水城。知不可為。解所佩大將虎符。授旗鼓吳振姬。間道歸山東。上之。殺其妾陳氏。自縊於署之太平樓。公季弟可度。與仲子鹿徵。以公柩及母太夫人。繇海抵天津。疏聞。下部議。覆賜贈。廕祭葬。建祠。特祀。諡壯節。公長于詩文。所述有錦衣衛志等書。弟可仕。字文峙。以字行。改字紫淀。為諸生。通曉掌故。范文貞景文在南。延之講防江戰守之策。久南樞志一百七十卷。家宮城之側。國破後。薙為兵屯。因徙秦淮之南。編國朝布衣詩一百卷。居甚困窮。而志不屈。後公二十三年卒。論曰。公累著戰功。所向無前。顧以勢窮力盡。沉家室于清流。畢性命于尺組。而非戰之罪也。自公死而中原名將益少矣。

敬禎野乘一集卷十

梁溪鄒漪流綺甫纂

賀文忠傳

附尹如翁等

公名逢聖字克繇號對揚楚江夏人也父亭陽先生
潛心理學所著有思聰錄人模樣等書公為諸生受
知督學鄒公廸光竇公子偁而熊公尙文尤奇公與
熊大司馬廷弼並見賞愛或問二公才優劣答曰賀
生夏瑚商璉也熊生干將莫邪也後其言竟不爽司
馬領解額公不舉督學召公執手欷歔請公自為三

年膏火計公毅朕起立曰某卽倖雋不敢負生平竿
牘戒况不幸乎若少分師橐中俸金則不敢不拜督
學益歎服割五十金以贈癸卯遂捷賢書屢上春官
不利謁選署應城論刻苦廉儉以作人爲已任後罷
相歸嘗語人吾敷歷清華至入政事堂平章軍國無
一事足報大官者惟寒擅七載實心實事庶幾免素
殮譏耳丙辰登進士殿試第二人除編修壬戌分試
得華吏部允誠輩若干人公居鄉與熊大司馬頗不
合至是遼撫王化貞棄遼東袒化貞者反罪司馬楚
紳梅公之煥滿公朝薦白司馬冤疑公意有異同公
馳狀曰今日事詎以小嫌介意公揭具草請以屬某
遂援毫千言淋漓感慨不避權倖而司馬已不可救
矣會楊忠烈公以劾忠賢故下獄拷死忠賢遂切齒
楚人旣并殺熊司馬斥逐楚材無虛日猶慕公清望
好語公各省直建立生祠惟貴鄉湖廣實無功德公
對此地方官事非某所敢知瑞又言聞上梁文出大
手筆何言不知公正色曰此借銜俗例耳瑞默然遂
借南畿主試之推削公籍瑞敗始起補南京祭酒尋

晉少詹協理府事。丁父憂服闋，起原官。歷少宗伯、少宰、大宗伯。丙子，入內閣，公務絕。党比存大體，密勿劾。忠不敢告人。如救黃宮詹，道周薦謝尚書。陞輿論允。愜致政，歸益恬淡。韜晦布衣草屨，卒。然遇之不知其爲仕籍中人。未踰年，天子遣官存問。又一年，召入中書。時他應召者盛，賓客擁輜重，舳舻相望。郡邑延頸望風，伏謁道左。筐篚纍纍，一宴費數百金。山珍海錯，爭奇競勝。門生幕客，招搖相望。公刺一敝舟，揚帆徑渡關津。之吏欲物色江夏相公舟，不可得。已知

其魚服去。且久爭噴噴，歎異。上頗廉得其狀，故益心向公。然公見時事不可爲，又與同官金谿不合。亟以去。請屢旨慰留，竟不可強。乃名便殿宴餞，公感恩悲泣伏地，幾不能起。上亦惻然動容。同官陳演大呼曰：逢聖有罪，不可引動。天淚公掩涕，叩頭謝恩。起旣而特賜冠履，坐蟒衣一襲，遣官護送回籍。未幾賊破蘄，又破黃烽火，連鄂城。公以死守，勸當事其門人大治尹如翁。心憂公特馳三百里往謁，挾一僧帽一袈裟微諷之。公以見危授命對賊旣入城，公服御賜

冠履麟衣。詣楚王府。將奉王同死。至則藩府爲賊獻。竊據王已不知所在。公遂見執。欲親見獻賊。噴血罵之。不可得。乃整衣冠北向。五叩頭畢。投緇陽橋下。同日一品危夫人長子賀覲明死之。仲子光明守八分山墓。聞難來奔。又死之。兩子媳一曾氏一陳氏。孫三人皆死之一。僕萱命相依七日。竟死之。合門就義者二十餘人。公旣歿。夫吏招魂祭葬。八閱月而尸始出。面目如生。冠纓不絕。時玉石俱焚。不可勝數。其死最烈者。則長沙司理蔡公道。憲楚長史徐公學。顏與公

云。而尹如會。大治城破。被執。亦不屈。死。其父孝廉。珩傳。學負氣。有光。遊地來。吳中。其公交最深。傳公死。事特詳。公死。上。傳命。行南都始。予謚文忠。

論曰。予交尹右王先生。先生無事。有言文忠相業在。公儀休。張安世。則一死。補國。善真。日月爭光。或惜其不及。死。甲申之難。夫賴魯公死。希烈。不過一身。陷賊。臣耳。非有。精神。中。血。腹。可。農。多。也。龍。真。寺。尺。組。猶。儀。然。與。蕭。山。首。也。道。德。子。古。何。難。乎。公。美。蘭。公。生。平。學。

開多朝人子... 公諱熙祚字仲緝號劬思南直武進人也幼而孤孝友性植自其舞象露異長益自摩厲中天啟甲子舉人再試再蹶公曰丈夫貴自植立耳豈必科目不朽人也謁選得典寧令多異績最聞擢御史一月疏凡數十謂普江衣帶外... 高皇帝弓劍式憑則請撫軍移鎮以重其任謂讀書敦行爲士大夫經濟本則詩表揚張溥以示之式壬午十月按楚楚事時已入敗局公至力爲整頓與左良玉握手歎歎勉以忠義將

劉忠毅傳

劉忠毅傳... 公諱熙祚字仲緝號劬思南直武進人也幼而孤孝友性植自其舞象露異長益自摩厲中天啟甲子舉人再試再蹶公曰丈夫貴自植立耳豈必科目不朽人也謁選得典寧令多異績最聞擢御史一月疏凡數十謂普江衣帶外... 高皇帝弓劍式憑則請撫軍移鎮以重其任謂讀書敦行爲士大夫經濟本則詩表揚張溥以示之式壬午十月按楚楚事時已入敗局公至力爲整頓與左良玉握手歎歎勉以忠義將

士聞而泣下○癸未正月○荆承報陷○撫道縣鎮○或死或
執○公撫膺泣曰○時勢至此○尚可爲哉○門庭既失○堂與
必○危○倘○不○能○擊○湖○南○一○塊○土○還○之○朝○廷○唯○死○生○以○之
耳○爰○泣○誓○文○武○灑○酒○揮○戈○率○寥寥○千○餘○旅○嚴○守○江○渚
移○檄○沅○鄖○兩○撫○聯○絡○形○勢○稍○壯○聲○援○二○月○巡○岳○復○聞
岷○藩○之○變○湖○南○一○帶○嘗○武○衡○桂○在○在○烽○起○公○親○調○諸
將○分○路○堵○截○斬○獲○無○算○時○獻○賊○破○黃○岡○據○武○昌○至○五
月○陷○省○城○楚○藩○嬰○禍○公○聞○報○撫○枕○嘔○血○聲○淚○俱○下○力
疾○至○長○沙○以○圖○恢○復○分○撥○諸○將○拒○守○險○要○爲○岳○州○援

詎○蒲○圻○嘉○魚○等○處○奸○民○望○風○迎○款○八○月○五○日○岳○州○復
陷○賊○既○得○岳○所○謂○洞○庭○之○險○與○我○共○之○于○湖○南○一○帶
如○數○節○而○後○迎○刃○解○矣○二○十○五○日○大○舉○寇○長○沙○公○督
水○寨○奮○勇○格○殺○不○意○陸○兵○先○潰○賊○遂○長○驅○公○護○諸○藩
冒○死○斷○後○爲○賊○追○縛○檻○送○獻○營○公○唾○賊○大○罵○賊○怒○去
衣○引○鋸○公○罵○愈○厲○賊○復○令○監○守○脅○降○公○志○益○堅○罵○益
甚○賊○倒○曳○公○兩○足○隨○地○拖○行○血○肉○狼○籍○終○不○屈○遂○害
公○于○寧○鄉○神○廟○先○是○公○嘗○題○詩○永○陽○署○壁○日○倥○傴○軍
旅○已○逾○年○家○室○迢○遙○久○別○顏○嶺○北○骷○髏○驚○作○壘○湖○南

宮殿修成烟。觴血不沾無塚骨。烏啼偏集有狐田。死
生遲速皆前定。堅此丹心映楚天。故園隔別又經年。
今顏非復昔時顏。山川草木皆含淚。貔虎旌旗盡作
烟。老婦漫勞尋蝶夢。兒孫切莫種書田。長弘化碧非
奇事。留取孤忠向九天。又絕句一長聯五慷慨激烈
與正氣歌並傳。云南都贈公太常寺卿諡忠毅蔭子
予祭葬祀毗陵四忠祠。公子名晉蕃舉孝廉負氣節
感稱有父風云。

論曰公無守土之責似可無死乃以護諸藩故躬血
戰卒隕身忠。潘是忠。烈皇帝也。或猶疑公何不蚤
自引決。至受賊蹂躪者。不知正以就義從容。徵公百
鍊鋼耳。嗚呼。零丁洋裡。燕市樓中。固足爲文信國誓
哉。

蔡忠烈傳

公名道憲號江門福建晉江人也中崇禎丁丑進士

授長沙府推官清標素著吏畏民懷時獻賊猖獗公

勵兵秣馬豫爲之防賊聞之不敢卒犯然公知事不

可爲乃作書令其兄歸省曰親老矣兄好事之弟與

此城俱存亡耳竭力支撐幾及二載癸未八月賊大

舉寇長沙鎮將守臣俱棄城走城乃陷公獨挺立爲

賊所執百計誘降不屈置小樓中凡念有四日令降

將尹先民說之卒不聽罵不絕口賊大怒寸磔之公

從容受戮長嘯一聲風雨驟至頭臚已斷兩童子尚
炯炯不瞑賊亦駭愕時爲十一月公年纔二十九越
明年弘光南渡御史黃澍疏其忠烈請與御史劉熙
祚一體優恤熙祚得命旨公不報後贈太僕卿謚忠
烈先是公蒞長沙之明日夢李芾來謁公異之及殉
難人乃知公忠孝之氣通于幽冥神鬼因與李芾合
祀各其祠曰二忠

江門公死在十一月除小樓二十四日外又何遙
隔也謝曰知先生事者蓋鮮故急爲表出之且係以
詩曰大厦原非一木撐荔椒空自哭先生狼烟已誓
忠臣死魚素先申孝子情柴市從容天地淚常山刀
鏃古今名不知三載官衙夢冥漠初能鑒至誠謝公
畱心忠孝如此則考先生死期必確矣謝名良琦粵
西人舉孝廉歷任有賢能聲蓋博雅君子也

呂忠節傳

公諱維祺字介孺號豫石河南新安人也生時有夢
月入懷之祥性孝友尤忠鯁清介不同流俗論者比
之峩峩千丈松萬曆壬子癸丑聯舉鄉會初授兗州
司李冰雪自矢發奸摘伏如神然立意慈恕人稱平
反丙辰大饑公躬自賑濟全活以數萬計復力行保
甲法後蓮妖變起兗城卒賴以全魯人肖像祀焉乙
卯戊午兩入省闈所拔多翹楚己未以卓異徵入爲
吏部郎請託餽遺概謝却無所徇庚申入光皇帝崩

廷臣欲請見新君。中官堅阻。公排闥直入慈慶宮。尋聞上幸小南城。公約臺省諸臣力止之。隨疏請早正位。略云：殿下一身是天地人民之主。起居宜慎。問誰翼護飲食宜節。問誰問視左右不得嘻笑于旁。問誰釐肅侍御不得雜進於前。問誰防閑閣部大臣輪番入直。宜于宮門近地。日同科道等官朝夕問慰。凡所以開心定志。杜漸防微者。無所不至。至於殿下尤宜不時召見。商量大禮。顧問政事。親近內侍。急擇老成忠謹數人。各以姓名達之中外。俾曉然共知。以重厥任。不得干預政事。紊亂祖宗成法。人服其有先見。有某要人請問。公正色拒之。曰：彼招不來。麾不去者。何人哉。卽南樂故公座師。亦投書不啓也。甲子告歸。山居數年。究心伊維性命之學。與馮恭定公善。恭定每稱公爲明道後一人。作石隱傳。矢不出仕。有同籍諷之起者。公荅書有士守道猶女守身之語。會天中建逆祠。發募簿。勒令鄉紳助工。公曰：如此。士風掃地矣。卒不與。璫深啣之。因嗾某御史。誣公講學。尋矯旨考察吏部。意在公也。將中以危法會。熹廟崩中。

寢戊辰言官交薦起尚寶卿改太常少尋遷正卿公
作感遇詩毅然以天下爲己任己已上敬陳堯舜之
道及保泰防微八事兩疏皆關切君德時政之大者
上嘉納之會南庾如洗廷議非負經濟才者不可
任僉推公行上目送久之已而召對問曰此人何
可使之南其見知於上如此而忌者耽耽矣公清
操冷面三年東南晏然所積蓄節省以三十萬計識
者謂有社稷功時上內遣監視四出公曰書訓在
初易戒履霜其是時乎因力上言內臣出鎮其于外

臣不便滋多耕奴織婢各有司存履霜堅冰漸不可
長臣所可惜者朝廷紀綱之體而所當辨者治亂消
長之機陞南京兵部尚書乙亥賊自汝寧來走鳳陽
犯皇陵折而西陷巢廬江一支北出陷潁州公遣都
督趙世臣以兵三百人守關山潰走烏衣南京大震
廷議多咎公遂以考察致仕家居辛巳賊陷雒陽公
被執大罵以死贈太子少保廕一子南京予謚忠節
公性剛嚴介特學有淵源尤明于義利是非之辨而
經濟湛深故事州縣徵糧急北緩南又浙西蘇松例

以南糧派之宦戶始不過利其地近費輕而後乃有
豪僕包攬積逋五六年不上納及私收折色乾沒入
已者行州縣提解率以空文具覆甚有虛起批文報
完或已解府司復那借別用至永餘年卧批不掣州
縣官既視南糧爲不急之務而自神宗末年以來
邊事告急戶部疏請借支南部本折銀米至二百六
十四萬有奇于是南倉入少出多以至官軍俸糧有
欠至一年未給者先已呼譟辱司官矣公乃悉心籌
畫先疏湖廣原留黔餉一十五萬石歸之南部復條

奏撥刷十事及請開爐鑄錢舊例糧米或交倉或交
塲各有主事監之倉則三篩三曬而塲不曬以給軍
士謂之水兌故倉耗加一塲耗加二五公示各解戶
有當交倉願收塲者聽仍薄其耗以勸之而又以囤
基不足命于空倉隨便收納卽准水兌每年得耗數
萬石以佐軍糧之乏而錢故有夾鑄之弊每爐加私
銅數十斤官與匠分之公命繕廠垣嚴巡察申薄小
錢之禁而謂速鑄則利在官遲則夾鑄多而利在下
舊三十日一鑄公改十五日一鑄連放鹽米共十八

日凡兩月三鑄停爐之日必盡放匠役出之鑄速而私錢少時為手教告十三司及各差取錢糧解支數自寫一簿而自銷之不入吏胥之手嘗曰昔人有言人至察則無徒第思國家多故君父焦勞為臣子者豈能自己公之憂國奉公如此論曰予聞公篤行似呂涇野清介似孟我疆風節似楊斛山經濟似劉忠宣忠義似李若水而予竊謂公學術上尊孔子孟下守濂洛殆一代慥慥大儒如公顧可多得哉

郝太僕傳

附子鳴鸞等

公諱景春字和滿南直江都人也中萬曆壬子舉人辛未就教益城益令貪且虐又歲飢民洶洶逞亂公多方解釋得散去尋罷歸移陝西苑馬寺萬安監錄事遷黃州照磨署篆黃安甫二日而賊掩至公誓以身與城存亡鼓勵士民登陴擊賊凡戰守八日夜賊遁去戊寅陞房縣知縣時總督熊文燦招九營大寇交斥鄭屬而羅汝才白貴黑雲祥三營介馬入房逼據西關公知事不可為與主簿朱邦聞遊擊楊道選

內修守具外定盟書苟安旦夕已卯五月張獻忠突
入虜蓋獻忠已破穀城縣令阮之鈿死遂乘勝鼓行
而西而新棟三營羣起嚮應城中兵羸餉缺公血書
寸紙遣人縋城出求救不報獻忠逼讓城公曰吾頭
可斷城不可讓也賊益攻公發砲殲賊賊以棺覆首
四面環圍守門指揮張三錫爲內應城陷遊擊楊道
選巷戰死公被執勸降不從命拽出斬之子生員鳴
鸞抱父尸哭罵賊復手刃僕陳宜亦被殺主簿朱邦
聞與其家人俱不屈死事聞贈公太僕寺卿鳴鸞與

陳宜俱祀

論曰公之節烈矣死忠死孝日月光昭而予所深恨
者當時督撫大吏明知疆事必壞而今日曰招明日
曰撫卒至流毒宗社不可收拾宜乎按臣某云可勦
之機會與能勦之物力俱撫裏挫過良可嘆也昔宋
河中權府事郝仲連與金人力戰外援不至城陷時
與其子致厚俱不屈而死公豈其後身耶至若邑簿
守將寧與令君同日而死不與叛逆同日而生豈非
皆不二心之臣哉

官○居○官○計○口○食○俸○禁○誅○求○省○厨○傳○督○師○徵○餉○萬○斛○過○
五○日○以○尚○方○從○事○括○倉○穀○餽○舟○船○咄○嗟○立○辦○民○不○告○
病○督○兵○勦○盜○簡○諸○酋○水○陸○並○進○弓○刀○相○峙○歸○師○過○峽○
班○馬○之○聲○蕭○然○滿○考○當○內○召○蜀○人○疾○公○強○直○中○沮○之○
遂○改○隨○州○知○州○時○獻○闖○二○賊○方○熾○隨○為○兵○衝○公○將○行○
戒○其○子○肇○森○肇○樑○曰○賊○隳○突○襄○鄧○及○隨○隨○三○破○之○餘○
然○郢○之○肩○背○也○守○隨○所○以○衛○陵○寢○樑○也○行○扞○牧○圉○以○
佐○守○森○也○居○斥○家○財○以○益○軍○吾○必○歿○於○此○矣○十○三○年○
十○月○蒞○隨○朝○國○人○而○誓○戒○之○歃○血○於○關○壯○繆○廟○要○以○

必○歿○脩○城○濬○濠○拓○羊○馬○墻○抽○壯○勇○屯○礮○石○郵○飢○寒○平○
賑○糶○府○庫○匱○乏○則○捐○家○財○給○之○隨○大○荒○士○就○食○粥○厥○
公○曰○可○使○士○以○飢○餓○失○禮○乎○分○粟○以○賑○士○皆○感○泣○潰○
兵○過○隨○索○餉○鐸○鉦○震○地○公○援○兵○登○陴○單○衣○入○其○營○執○
帥○手○曰○軍○不○供○給○守○之○過○也○殺○守○足○矣○無○已○則○械○守○
以○見○於○督○師○監○紀○乎○帥○氣○奪○歛○衆○夫○民○得○無○擾○咸○有○
固○志○公○乃○繕○南○城○譙○樓○寢○處○其○下○慨○然○謂○僚○屬○曰○身○
與○公○等○枕○戈○待○敵○以○此○樓○為○歿○所○矣○明○年○四○月○賊○陷○
襄○陽○躡○德○安○購○獲○細○作○要○遮○斬○捕○賊○知○有○備○棄○疾○於○

我○悉○衆○力○攻○公○三○走○使○至○郢○告○急○巡○道○趙○某○抵○章○於○
地○弗○顧○巡○撫○發○一○遊○擊○率○兵○援○隨○趙○勒○之○守○郢○留○弗○
遣○公○不○食○二○日○不○解○甲○五○日○再○盟○于○壯○繆○大○臨○以○告○
哀○二○十○五○日○賊○急○攻○南○城○潛○師○八○道○隳○北○城○以○入○公○
遣○肇○樑○埋○印○州○署○廨○後○東○墻○下○勒○馬○巷○戰○矢○貫○於○頤○
刀○屬○於○頰○眼○鼻○橫○斷○墮○馬○左○手○掣○佩○刀○右○手○握○印○廂○
鍤○悅○銜○于○袖○賊○拽○之○不○得○鉞○刀○交○下○陷○胸○斷○股○而○死○
肇○樑○趨○至○拊○尸○頓○踊○哭○且○罵○賊○驅○至○老○營○殺○之○且○死○
疾○呼○州○人○告○以○埋○印○處○妾○趙○氏○王○氏○臧○獲○十○八○人○皆○
歿○賊○驅○趙○出○不○可○先○殺○其○所○抱○幼○女○中○始○斷○其○八○指○
罵○益○厲○賊○刃○之○推○上○石○碎○顱○而○死○公○死○之○三○日○吳○人○
石○琳○求○得○其○屍○歛○之○趙○氏○屍○與○申○姑○相○抱○不○解○胸○着○
布○囊○函○金○剛○經○三○寸○許○遂○并○棺○以○歛○而○肇○樑○屍○卒○不○
可○得○巡○道○以○阻○援○自○諱○欲○沒○公○死○事○狀○荆○西○道○力○持○
之○楚○撫○按○乃○上○其○事○肇○森○亦○請○闕○陳○請○天○子○贈○公○太○
僕○少○卿○賜○祠○祭○葬○廕○一○子○入○監○肇○樑○祔○祭○隨○嘉○二○祠○
論○曰○公○守○隨○之○事○與○睢○陽○異○睢○陽○江○淮○之○前○障○也○拔○
雍○而○扼○睢○則○可○以○通○南○北○隨○承○天○之○後○翼○也○越○隨○而○

保郢則無以蔽陵寢。捐必死之身，委必破之城，俾其
專力致死，陷隨之後，兵鈍氣殫，橫折而去，而陵寢宴
然。公志遂矣。後二年，賊再至，漢東無藩籬之限，原廟
震驚。然後知公之以死據隨，與南陽之據唯一也。嗚
呼！護陵之功，守隨為大；失隨之罪，絕援為大。今賞斬
於守死，罰佚于擁兵盜賊滋盛，卒以社稷為殉，豈非
謀國之咎哉。

馬太僕傳

附黎弘、慧等

公諱如蛟，字騰仲，號訥齋，南直和州人也。生有異徵，
弱不好弄，萬曆戊午魁鄉書，壬戌成進士，與倪公元
璐、黃公道周同出韓太史日纘門，三賢交誼，比於胞
乳。初令山陰，其大者正靡俗，革吏弊；小者復圯梁，鼎
頽序，取山陰只鑑湖杯水，所食米悉自和輦致。凡歷
道路千三百里，見者咸驚異之。曰：嗟乎！使君清至此，
哉！戊辰考最，擢入為侍御史。己巳巡按四川，辛未巡
漕，以武闡貽累，落職歸。佐其父為德于鄉，賑貧乏歲。

施○構○至○數○百○人○貸○其○錢○者○多○不○責○償○前○後○焚○券○至○數○
百○又○以○爲○德○不○務○本○行○譬○之○車○室○不○求○轂○礎○也○故○其○
道○必○先○聚○族○聚○族○所○以○尊○祖○乃○立○祖○廟○因○而○教○養○之○
耕○者○予○田○讀○者○予○塾○生○者○予○聚○死○者○予○藏○和○人○歸○義○
以○爲○范○文○正○再○見○云○甲○戌○丁○艱○明○年○十○二○月○二○十○六○
日○賊○寇○和○州○時○公○方○在○草○土○起○涕○泣○誓○其○衆○散○家○貲○
練○鄉○勇○佐○主○者○櫻○城○固○守○越○日○賊○騎○遶○圍○三○匝○頂○門○
搭○梯○晝○夜○環○攻○公○用○砲○擊○死○數○百○人○賊○計○窮○將○引○去○
忽○颶○風○大○作○燈○火○風○沙○掩○面○不○見○守○者○皆○墮○城○遂○陷○

公○曰○事○迫○矣○坐○以○待○斃○何○益○乎○急○下○令○相○從○擊○賊○者○
予○百○金○須○臾○得○壯○士○百○人○鼓○勇○巷○戰○良○久○力○屈○奔○水○
次○當○可○渡○渡○且○生○矣○公○曰○清○流○湯○湯○不○炤○偷○生○顏○面○
卒○力○戰○死○之○閤○門○自○凡○運○尹○如○虬○生○員○如○虹○及○男○婦○
死○者○十○有○四○人○知○州○黎○弘○慧○學○正○康○正○諫○總○營○周○廷○
儒○訓○導○趙○世○選○俱○以○身○殉○事○聞○詔○贈○太○僕○寺○卿○蔭○一○
子○爲○國○子○生○
論○曰○狂○寇○蹂○躪○中○原○紆○青○抱○紫○膏○鋒○亦○者○不○可○勝○計○
其○中○固○多○叩○頭○匍○匐○輸○金○求○免○而○卒○見○屠○割○者○矣○豈○

其○所○獲○不○懼○斧○鉞○不○避○者○乎○要○之○亦○論○其○生○平○素○行○
與○臨○難○大○節○耳○如○公○正○言○侃○侃○又○慷○慨○巷○戰○以○成○可○
不○謂○丈○夫○哉○所○由○與○草○木○同○腐○者○異○矣○

謝○隋○結○賊○封○爵○以○表○殊○功○大○將○也○
本○昔○卡○官○囚○人○賦○機○乘○劫○慧○學○五○車○五○利○說○營○風○

公○名○謙○號○芳○菱○南○直○廬○州○人○也○中○萬○曆○甲○辰○進○士○授○
永○豐○知○縣○考○選○為○御○史○上○匡○時○圖○治○疏○大○要○以○安○民○
練○兵○責○在○守○令○將○帥○而○守○令○將○帥○之○選○責○在○吏○兵○二○
部○探○本○則○歸○重○於○君○身○親○儒○臣○以○講○學○延○大○臣○以○勤○
政○獎○直○臣○以○求○諫○言○多○可○採○甲○寅○奉○勅○視○銀○庫○清○風○
絕○塵○宿○弊○盡○浣○巡○按○真○定○丁○艱○歸○服○除○補○職○督○學○順○
天○點○淳○華○獎○恬○退○士○風○蔚○起○崇○禎○十○五○年○流○寇○破○廬○
州○官○紳○士○庶○或○避○或○降○時○公○已○在○籍○獨○服○其○命○服○整○

冠束帶危坐宅之中門賊至欲屈抑之坐如故百方
挫折略不爲動公張目厲聲叱曰吾朝廷大僚豈肯
受辱於鼠狗若輩死無日尚敢凌侮官長耶罵不
止遂遇害公重廉隅謹然諾平生自禮義廉恥夫界
限至於拱揖進趨冠履飲食之節畫線而蹈始終相
較不失毫髮善戲之謔露齒之笑未嘗出口撥衣蹶
足箕踞跛倚之小過未嘗加身其事父母孝處兄弟
恭教子孫寬而有法先德行而後文藝且任一介不
苟取殆天地間完人也公死詔贈光祿寺卿廕子予

祭葬如例

論曰自黃巾綠林禍起中原數千里桑麻一空鐘鳴
鼎食之家尤被其慘毒此無他銅山金穴旣爲鼠輩
所心豔而攘利專欲漁獵封殖鄉黨切齒久矣論者
以爲出爾反爾有天道焉不盡陽九數也如公居家
廉潔居鄉端厚亦復不免嗚呼此豈未定之天哉

包懷遠傳

公諱文達字行甫其先江夏人以開國靖難北征功
世襲蘇州衛指揮同知父世爵有才畧官未几沒漕
事公早孤然厲志好學年二十襲職在官凡十五年
兩董漕務輸輓獨先任屯政水陸營克舉其官宜興
桐城遇民變公奉命戡定不撓法不濫誅邑以帖然
乙亥正月流寇犯安慶巡撫張國維命公從征公卽
日整旅治酒延親知語曰受國恩三百年此身亦欲
用之貧官無家曩以營葬積俸十金寄友人篋中歲

討○缺○如○復○取○半○承○匱○窳○窳○無○期○念○此○心○惻○然○自○今○亦○
不○敢○問○矣○入○內○別○母○再○拜○而○出○登○舟○見○朽○甲○鈍○戈○嘆○
息○者○再○既○渡○江○二○月○二○日○賊○警○告○急○國○維○命○公○疾○驅○
至○皖○時○統○兵○官○凡○四○人○有○忌○公○者○獨○令○居○後○資○備○缺○
絕○未○几○督○進○者○羽○若○星○下○既○抵○賊○所○人○馬○饑○疲○擬○變○
而○前○謀○人○人○殊○偶○得○賊○哨○一○騎○傾○其○橐○出○白○金○若○干○
爭○析○者○方○雜○然○聚○譁○尋○報○賊○零○散○易○襲○躍○馬○爭○出○公○
諫○不○聽○從○之○行○諸○軍○素○苦○諸○弁○腹○削○人○有○離○心○賊○伏○
四○起○遂○鳥○獸○窟○火○器○被○雨○亦○不○效○從○者○引○公○却○公○不○
可○策○馬○奮○進○故○善○射○亟○發○矢○矢○盡○脇○中○流○矢○墮○馬○強○
起○拔○矢○揮○刀○再○戰○援○絕○力○竭○賊○迫○令○卸○甲○降○公○瞋○目○
怒○罵○賊○砍○其○左○臂○斷○首○而○去○笑○且○罵○曰○吾○所○至○風○靡○
吳○兒○何○能○爲○乃○奮○螳○臂○當○我○獨○如○包○某○猶○不○失○爲○一○
將○耳○土○人○悲○公○死○廟○祭○其○地○鄉○賢○士○大○夫○吳○公○默○張○
公○世○偉○輩○咸○爲○文○哭○公○而○諸○生○金○俊○明○紀○其○事○
論○曰○敗○軍○之○將○不○可○語○勇○此○以○論○受○賑○推○轂○爲○三○軍○
司○命○者○可○耳○若○偏○裨○一○劍○進○退○由○人○又○卒○皆○烏○合○衆○
等○連○鷄○欲○獨○爲○班○定○遠○傳○介○子○難○矣○及○其○委○骨○沙○場○

械守事粗舉而寇忽長驅至矣。邑令解祖殺竄去。公率博士居民固守。或勸之微服避。公毅然曰：食祿而違其難，不忠；臨危而棄其城，不義。吾平日所講說者，何事？今若此，耶設有不測，唯有死。死以報皇土耳。幸何城陷，公整衣冠危坐。賊至，署公侃侃論以大義。賊不顧，逼令屈節。公厲聲曰：死即死，賊狗何敢辱我！賊大怒，即執公去，索金帛。公罵不絕口。死之子炳衡同婢冬女遇害。公死越五日，頸血成碧，鬚皆間猶怒色。未解以右手食指拍心，甲入寸許。姚公泣殮，隨與俱殉。適邑令某過，從解免。踰日，賊復至。姚公亦死之。公嘗語門人曰：職無大小，皆可效忠。人亦圖所以報國。家利生民耳。又嘗語季子曰：人生當為忠臣義士形。軀有盡，性靈不朽。蓋其忠孝性生，激昂自許如此。論曰：常山睢陽齒芬千古，彼皆膺城社人民之寄。即欲自解免，無從也。區區博士弟子師從容擁臬比，是其職耳。豈復責以緩急存亡視死如歸哉？公既身殉危邑，其子死之，其婢死之，其友之同官姚先生又死之。然初解姚先生于死者，乃膺城社人民寄之令也。

或曰青氊一席囊空如洗不難以棄身致命若令卽
欲慷慨捐軀奈如山之橐何然觀公語季子及門人
語則其盡瘁之志已久定矣豈以寒官者節哉彼不
死○者○雖○青○氊○一○席○猶○不○死○也○

龐固原傳

附王端冕

公諱瑜字堅白湖廣公安人也由貢生選京山教崇
積七年陞崇信知縣縣故無城垣壘皆圮兵旱遺黎
僅百餘口公至力爲撫字民有起色知賊必至流涕
大言誓以死報國未幾賊果薄城公解綬命僕走報
上臺尋城陷公端坐公堂不動賊捧之下命跪公揮
拳罵曰吾待死久矣若今速殺我何敢辱天下士也
賊怒以刃脅公公益罵賊掠城中無所得執公至野
殺之剖心裂屍而去邑某官朱洪道亦死公固善讀

易○精○爻○象○未○之○官○日○筮○得○如○之○革○驚○日○吾○其○沒○於○西○
乎○過○辭○御○史○毛○公○羽○捷○毛○公○贈○之○帶○勉○以○大○節○公○懷○
慨○自○許○道○遇○賊○掠○其○裝○公○手○攘○帶○與○賊○爭○以○爲○他○資○
皆○若○有○帶○故○人○贈○不○可○得○也○賊○卒○嘆○服○遺○帶○而○去○則○
其○壯○心○雄○畧○蓋○定○之○有○素○云○事○聞○詔○贈○固○原○知○州○命○
有○司○立○祠○致○祭○同○邑○又○有○王○端○冕○由○李○廉○知○趙○州○會○
北○兵○攻○城○端○冕○治○火○藥○飭○睥○睨○率○吏○民○露○宿○風○餐○死○
守○城○上○已○而○城○陷○被○執○北○帥○欲○官○之○端○冕○不○屈○遂○縛○
諸○樹○射○死○

論○曰○昔○人○云○吏○以○愛○民○爲○忠○若○兩○公○之○振○其○神○明○不○
朝○夕○而○布○猷○以○易○殄○瘁○可○不○謂○循○良○者○與○兩○公○不○死○
且○以○中○牟○密○縣○顯○矣○雖○然○兩○公○以○中○牟○密○縣○顯○曷○若○
以○睢○陽○常○山○顯○哉○

尹知州傳

附何燮倪可大韓光祖等

公名夢齋雲南人舉人官潁州守有惠政崇禎乙亥

正月十一日流寇攻城公率民與登城守禦十二日

寇掘城脚傾陷數丈百姓見勢不支咸奔避公長跪

求百姓固守百姓不從竟趨下四散公獨持大刀當

城傾壞處賊緣城而上公揮刃殺十餘人賊大隊

畢登公四顧竟無一人共事者即投烏龍潭淹死時

有同守縣丞某及訓導倪可大俱死而亳州知州何

燮被執不屈為賊寸磔每城鄉官聞守傳由進士為

翰林院簡討守城遇害又本州諸生韓光祖被賊
執去賊以刃脅光祖光祖抗言生平讀書止知節義
城破身亡誓不偷生賊怒斷喉碎屍殺之妻武氏投
火死媳李氏及姪與六女共投于井子妾李氏遭
賊割腹空胎受禍最慘次子定策孫日職身被數鎗
罵賊死而援勦守備王希韓轉戰深入被獲比殺
論曰尹公有民社之責既不死賊當死法等死耳苟
若死賊之爲烈烈乎至丞簿以下生雖合而仁成位
則甲而品峻矣

樊副使傳

附許文岐等

公名維城號紫蓋黃岡人父玉衡爲給諫以建言國
本遣戍公幼習家訓忠孝自矢中萬曆己未進士除
海鹽知縣歷遷至福建副使崇禎初嘗上疏略言先
朝吉祥之反黨羽止一曹欽而忠賢則親侄襲三爵
假子徧金吾况私養甲士近有萬人外不立名於樞
密內非屬籍於團營都中橫行鮮衣怒馬一旦用其
敵國之富誘其敢死之士將有昔日夜火長安門之
變請皇上著其罪而早戮之又言楊漣萬璟諸臣宜

分別優卹而正人君子如賀逢聖梅之煥錢謙益錢士升姜曰廣陳子壯等人才可惜應卽起用又再疏言崔呈秀盜名器於媚妾罪一寄兵權於胞弟罪二竊制科於乳臭罪三况其撥置忠賢盜內帑殺名賢種種罪惡神人共憤尚宜剖棺斬尸而弟凝秀子鐸當坐以叛逆與蕭惟中共伏市斬至田吉田爾耕吳淳夫張體乾楊寰孫雲鶴高守謙許顯純等皆應正法疏入中外稱快癸未賊張獻忠破黃崗公被執大罵不屈死之是時全楚淪陷與公先後同死者又有

督糧道叅政許公文岐爲賊所執求死不_得見從賊衆多繫黃麻密告以忠義暗約從中擊賊以柳圈爲號適爲逆衿王固懷泄其事遂被害臨刑嘆曰吾所以旦夕不_死者正爲此耳今旣無成天也含笑而卒巡撫都御史宋公一鶴承天破標下有願負公出奔者公堅持不肯卒自刎歿楚府左長史徐公學顏與賊格鬪左臂斷右手尚持刀不仆爲賊支解合門殉難二十餘人興都留守沈壽崇都司朱士鼎罵賊不屈賊剖其腹斷手而死教諭蕭頌聖自殺經歷汪

文熙巡檢戴良瑄僧會司某及武昌通判李毓英武昌知縣鄒逢吉嘉魚知縣王良鑑皆歿而黃州貢生馮雲路力學著書兼精禪理徵辟不就賊慕其名強欲起之抗言不屈與其門人諸生汪延陞俱死黃岡諸生易爲瑚亦死爲瑚卽爲璉弟也爲璉與父道暹先殉賊難另有傳

論曰漢諸葛豐非真君子然予嘗讀其書云夫以布衣之士尚有刎頸之交今四海之大曾無仗節死義之臣痛哉斯言千古大恨集此矣何三湘七澤間死者若是多也勁節崇標人無異議而世多以封疆二字苛求宋公若某某輩夫獨無封疆責乎何以不歿也全楚淪陷歿者寥寥尚持刻論已屬不公若自近來觀之得一能歿者便與睢陽平原比烈可耳忍復抹却乎宜乎巡方黃仲霖先生請卹有云一鶴封疆之臣也歿自應耳顧使一鶴死而泯泯無聞何以處天城陷而撫臣不死者洵確論云

號奔救。斂貨以犒。始釋歸。色。中。有。通。賊。者。言。城。小。不。
支。降。之。便。公。正。色。叱。之。城。陷。公。謁。先。聖。素。笏。坐。堂。上。
賊。至。索。印。公。不。與。賊。縛。公。置。雪。中。三。日。公。猶。罵。不。絕。
口。賊。斫。之。十。餘。乃。竟。死。事。聞。于。朝。贈。太。僕。少。卿。黃。衣。
道。周。額。其。門。曰。忠。孝。大。儒。公。自。已。未。歲。書。片。楮。藏。之。
笥。中。每。歲。加。紙。護。之。至。是。家。人。啟。其。封。則。不。食。財。不。
好。色。不。惜。死。三。語。也。本。年。五。十。有。六。公。館。風。門。公。坐。
論。曰。人。惟。財。色。二。事。孽。障。纏。綿。一。當。生。死。閉。頭。便。有。
許。多。繫。戀。觀。公。藏。笥。格。言。直。所。謂。看。得。破。跳。得。過。者。
矣。無。慾。則。剛。直。其。然。乎。

鄧總兵傳

公名祖禹字又玄湖廣蘄水人也性好俠家蕩盡不
屑俛首授經遂習騎射中萬曆四十七年武進士北
事告急瀋陽守備缺公當選職方利不與公擊案曰
此死地也馬革裹屍吾志已久豈敢避乎請勿利卒
就選未幾清兵次瀋陽尋次遼陽公據鞍上馬馳入
陣多格殺中矢墜地將死會夜半乃甦呼城入時公
負矢如蝟創甚遂請告歸御史周宗建薦公大將才
應大用時有忌之者不果尋起宣府守備崇禎三年

京城困申甫全軍皆沒公提兵遇于蘆溝橋公殊死
戰○勢○稍○却○晉○涿○州○副○總○兵○公○屢○請○召○對○又○入○京○上○書
從○班○行○中○聲○稍○厲○御○史○糾○之○詔○下○獄○久○之○出○以○原○官
備○兵○辰○沅○擒○苗○首○飛○天○王○張○五○保○斬○首○千○五○百○級○搗
其○巢○苗○平○會○流○賊○亂○移○鎮○黃○德○尋○守○孝○感○多○斬○馘○功
忽○報○應○城○破○巡○撫○檄○公○往○援○所○携○止○兵○七○百○名○比○至
寂○然○甫○入○城○相○度○賊○四○面○掩○至○圍○公○數○重○公○破○圍○退
保○西○門○外○顧○左○右○曰○吾○受○國○厚○恩○誰○當○血○戰○以○報○皇
上○突○圍○得○出○幸○也○不○則○以○死○繼○之○復○何○言○圍○堅○不○得

出○遂○被○執○賊○素○敬○公○解○其○縛○治○酒○安○上○坐○且○羅○拜○好
曰○須○公○爲○我○作○一○主○盟○公○曰○朝○廷○福○大○諸○賊○何○敢○如
此○賊○請○之○至○再○公○罵○愈○厲○曰○若○此○須○換○却○心○肝○獻○賊
怒○曰○換○却○汝○心○肝○亦○不○難○也○遂○呼○衆○曳○出○縛○大○樹○上
剖○心○剗○肝○殺○之○

論○曰○公○提○兵○轉○戰○三○奏○膚○功○血○浸○沙○場○忠○勇○固○不○待
言○矣○吾○見○國○家○多○事○將○吏○偏○裨○率○輦○金○謀○避○邊○缺○以
故○職○方○一○官○近○爲○羶○徑○走○之○者○如○趨○鷺○也○如○公○素○志
馬○革○裹○尸○卒○踐○其○言○慷○慨○以○死○豈○不○難○哉○吾○于○是○嘆

政所至愛民如子。不取屬吏寸絲尺縑。甲戌以才望特擢爲都察院副都御史。巡撫大同。旣蒞任。銳意興除。簡軍實。修馬政。築城壘。謹斥堠。慎擇將領。以忠勇勤爲上。毋取恢然者。曰猶之相馬。不舉肥也。亡何中蜚語。婦公喜曰。吾生平不去心者。道義知己名勝山。水耳。今而後寧復匏瓜乎。里居杜門。却掃。手不削干。請之。積庭不陳篋篋之遺。會甲申春。賊寇三原。公與邑令同心協守。及城陷。公被執。賊脅之降。公罵曰。逆罪滔天。王師將至。我死汝不旋踵矣。賊怒。鋒刃交下。

公辭氣益憤激遂斷公舌殺之按臣霍達爲請卹於朝論曰寇禍中秦最烈然死義者亦最衆云與公同死者公兄原任宣府巡撫焦源清百計脅降不受僞職卒遭家辱以死原任吏部尚書南師師仲原任禮部主事南居業原任山東巡按御史王道純誥封副都御史朱嘗德宗室舉人朱謹泉而歿於其職者商州道臣黃世清也其破慶陽則歿義者守道段復興知府董琬鄉官原任太常寺少卿麻禧等也破榆林則死

義者道臣都任合門雉經原任總兵尤世威力任城守城陷後舉家百口付之烈焰身冲鋒刃戰死街心而原任總兵侯世祿侯拱極王學書王世欽王世國李昌期原任副將尤翟文常懷德李登龍張發楊明原任遊擊孫貴龍養崑原任守備白慎衡全家叙見任遊擊傅德惠憲潘國臣李國奇晏維新陳二典劉芳馨劉廷杰文侯國見任守備尤勉惠漸賀天雷楊以偉掌印指揮李文燦則與世威同誓死守臨難不屈者也其破省城則巡撫馮師孔按察使黃綱

長安知縣吳從義渭南知縣楊暄蒲城知縣朱一統
 皆不屈死而鄉紳則原任磁州道祝萬齡聞賊破城
 深衣大帶至關中書院斯道中天閣下哭拜宣聖從
 容自縊者也中部知縣朱新鏢自知城守不支先令
 妻妾自縊一妾尚未配合新鏢叱令去妾不可垂泣
 甘縊然後新鏢亦從容縊其殉義最烈者乎諸公疾
 風勁草後先濟濟直以國祚淪亡雖經題請未及表
 章而又生平事蹟不皆可考不得盡為列傳統附著
 各於後南太宰則素以老成清執名祝大參以知府
 忤逆瑞為邪黨劾罷王侍御按東省值登萊兵變不
 肯主撫與中朝異議持論侃侃焦公諫艸尤傳天下
 故予得詳論之秦地稱山河百二讀無衣小戎諸賦
 猶想見慷慨激烈之槩生斯地與官斯土者被其風
 氣大節著焉雖謂與華峰比高涇水比繁可也嗚呼
 壯哉

黃太常傳

公諱綱字季侯河南光州人也少負氣節方正自持弱冠蜚聲庠序間便力以天下爲己任與兄丁未進士衮並擅機雲之譽中天啓壬戌進士初授南宮知縣以循良稱五年考最授兵部主事旋改禮部以抗疏言朋黨不報出爲紹興知府縛盜魁禁贖鍰懲豪猾革火耗一時刑獄賴以平反旋丁艱歸會賊寇光州公廬墓入山僅以身免長子諸生彝如率家僮巷戰罵賊致戮妹黃氏亦遇害丁丑陸公臨鞏兵備副

使建番漢合剿之策大敗賊於河督師洪公承疇
其功特疏題薦尋轉洮岷叅政宜慰番夷左六王咸
服其義壬午陞按察使清介自矢以身許國及癸未
寇大舉破潼關公義不受辱赴井死之夫人王氏同
殉巡按御史金毓峒監軍御史霍達聞于朝上以忠
烈可嘉下部卽日從優議卹覆上贈公太常寺正
詹孫恂入監讀書恂有文行人稱君子不媿忠烈
論曰公于臨鞏奏番漢合剿之奇功于洮岷

交綏之茂績豈非一代經綸才乎
將傾一木難支至以身殉國共
而非才不克奏清之烈也至
盡節死如節雖遭漢卿卜望之
一身者哉

主御史傳

字士和等

公名與胤字百斯一字永錫山東新城人布政象晉

之仲子也崇禎戊辰進士選庶吉士授湖廣道監察

御史巡按河東鹽課陝西茶馬督學應天未出都以

疏劾債帥忤政府謫歸歸侍布政公家居色養率諸

弟子輩治圃課耕蕭然物外十七年三月聞先帝

變涕泣不食辭父布政公沐浴入室扃戶與夫人于

氏子士和同自縊死將死時自作墓銘叙其家世官

職甚詳士和字允協諸生先是新城崇禎申凡再破

其前則五年十一月而公之從叔父象復及其子與
夔死之象復字完初以保定府同知里居與夔字風
虞舉人聞變倉卒部勒家人乘城拒之城陷父子皆
被執大罵不屈見殺事聞贈象復光祿寺卿與夔
知縣其後則十五年十一月而公之弟與朋從弟與
玫及與朋子士熊士雅死之與玫字文玉與朋字壽
二俱貢士熊士雅濱濱舉人士雅字大雅諸生與朋爲
人慷慨有風烈無平居酒醜耳熱輒談古忠義事淋
漓感激及警至簡家丁登埤禦守並有方畧城陷被

執二子率家丁救之亦被執不屈死而象復之從子
與慧者當五年破城時守其父柩不肯去亂兵脅之
跪不屈斫之傷首執以見其渠曰孝子也免之歸頃
之縱火焚城中且及孝子廬孝子伏柩而哭其黨見
憐之爲斷火道得免賊旣退孝子行積屍中求得叔
父及兄斂之于是人翕然稱孝子云孝子字僧眼貢
士

論曰山東科第人物之盛莫有過于新城王氏者乃
其忠孝節烈萃于一門此固史冊所僅見足以表東

海矣。嗚呼！公以科名重也。夫抑以忠節重也。夫

長安傳

公名從義字裕強山陰人端方向學曾夢長者撫其背曰歲寒松柏其在斯乎余字而歲青寤遂更焉崇禎十二年舉順天鄉試十三年進士時謁選者率營善地公言人登甲第于國家恩厚甚致身分也避危疆不往豈臣子義且吾儕貧士安取貲齊貸以圖後不剝民償耶其言論如此就選得長安今秦地兵荒洊至于緡不能得升粟下車請臺使者設法賑貸秦民賴以生者數十萬廷議以寇盜充斥裁縣簿設練

總募邑中丁壯三百。謀之操習。然一聞盜輒股栗。不
前。公躬自訓練一月。而勇氣奮發。會遣標兵勦南山
寇。從西峪入。公卽率練從東峪布登。而進遇賊。與標
兵夾攻之。獲其渠子午曹張諸鎮。賴以寧。時值編審。
秦宗及鄉紳佔業。率十之四名爲寄庄。無他徭役。而
是時李賊蹂躪豫楚。秦與壤接。詔三邊督師移鎮西
安。以衛秦。而援豫。楚部兵募兵各十萬餘。俱集長安。
乃糟草豆。戰車戈矛之屬。俱檄民間措處。咸出橫調。
公憫焉。具詳臺使者。除宗紳衿士應免。外餘田槩行。

